



«ԷՅՎԻՍԻ ԲՈՆՍԱԼԹԻՆԳ ԸՆԴ ԱՈՒԴԻՏ» ՍՊԸ

**«ԱՄ ԹՐԵՅԴԻՆԳ» ՓԲԸ
ՖԻՆԱՆՍԱԿԱՆ ՀԱՇՎԵՏՎՈՒԹՅՈՒՆՆԵՐ ԵՎ ԱՆԿԱԽ
ԱՈՒԴԻՏՈՐԻ ԵԶՐԱԿԱՑՈՒԹՅՈՒՆ**

2021թ. ԴԵԿՏԵՄԲԵՐԻ 31-Ի ԴՐՈՒԹՅԱՄԲ ԱՎԱՐՏՎԱԾ ՏԱՐՎԱ ՎԵՐԱԲԵՐՅԱԼ

**ԵՐԵՎԱՆ
ԱՊՐԻԼ-2023**

ԲՈՎԱՆԴԱԿՈՒԹՅՈՒՆ

Ղեկավարության հայտարարությունը 2021թ. դեկտեմբերի 31-ին ավարտված տարվա ֆինանսական հաշվետվությունների պատրաստման և հաստատման պատասխանատվության վերաբերյալ.....	3
Անկախ աուդիտորական եզրակացություն.....	4
Շահույթի կամ վնասի և այլ համապարփակ ֆինանսական արդյունքների մասին հաշվետվություն 2021 թ. դեկտեմբերի 31-ին ավարտված տարվա համար.....	7
Ֆինանսական վիճակի մասին հաշվետվություն 2021 թ. դեկտեմբերի 31-ի դրությամբ.....	8
Սեփական կապիտալում փոփոխությունների մասին հաշվետվություն 2021 թ. դեկտեմբերի 31-ին ավարտված տարվա համար	9
Դրամական հոսքերի մասին ֆինանսական հաշվետվություն 2021 թ. դեկտեմբերի 31-ին ավարտված տարվա համար.....	10
2021 թ. դեկտեմբերի 31-ին ավարտված տարվա ֆինանսական հաշվետվություններին կից ծանոթագրություններ	
1. Ընդհանուր տեղեկություն.....	11
2. Համապատասխանության մասին հայտարարություն.....	11
3. Հաշվապահական հաշվառման նշանակալի քաղաքականություն.....	12
4. Կարևոր հաշվապահական դատողություններ և գնահատումների հետ կապված անորոշության հիմնական աղբյուրներ.....	21
5. Հասույթ	22
6. Տոկոսային ծախս.....	22
7. Շահույթահարկի գծով ծախս.....	22
8. Պաշարներ.....	23
9. Առևտրային և այլ դեբիտորական պարտք.....	23
10. Դրամական միջոցներ և դրանց համարժեքներ.....	24
11. Թողարկված կապիտալ.....	24
12. Վարկեր և փոխառություններ բաժնետիրոջից.....	24
13. Առևտրային և այլ կրեդիտորական պարտքեր.....	25
14. Ֆինանսական գործիքներ.....	26
15. Գործարքներ փոխկապակցված կողմերի հետ.....	30
16. Պայմանական պարտավորություններ.....	31
17. Հաշվետու ժամանակաշրջանից հետո տեղի ունեցող դեպքեր.....	32

Ղեկավարությունը պատասխանատու է «ԱՄ Թեյեդինգ» ՓԲԸ-ի (այսուհետ՝ «Ընկերություն») 2021 թ. դեկտեմբերի 31-ի դրությամբ ֆինանսական վիճակը, նույն ամսաթվին ավարտված տարվա գործունեության արդյունքները, զրամասկան միջոցների հոսքերը և Ընկերության բաժնետիրական կապիտալի փոփոխությունները ճշմարիտ ներկայացնող, ֆինանսական հաշվետվությունների միջազգային ստանդարտներին (ՖՀՄՍ) համապատասխան ֆինանսական հաշվետվությունների պատրաստման համար:

Ֆինանսական հաշվետվությունները պատրաստելիս ղեկավարությունը պատասխանատու է՝

- ՀՀ Հաշվապահական հաշվառման մասին օրենքի 10-րդ հոդվածով սահմանված կարգով համար, հաշվառման քաղաքականության պատշաճ ընտրության և կիրառման համար,
- ՀՀ Հաշվապահական հաշվառման քաղաքականության մեջ ներկայացվող տեղեկատվության համապատասխանության, վստահելիության, համեմատականության և հասկանալիության համար,
- Լրացուցիչ բացահայտումների տրամադրման համար, երբ ՖՀՄՍ-ի հատուկ պահանջների համապատասխանությունը բավարար չէ, որպեսզի օգտագործողները պատկերացում կազմեն Ընկերության ֆինանսական վիճակի և կատարողականի վրա որոշակի գործարքների, այլ իրադարձությունների և պայմանների ունեցած ազդեցության մասին, և
- Ընկերության գործունեության անընդհատությունն ապահովելու կարողության գնահատման համար:

Ղեկավարությունը նաև պատասխանատու է՝

- ✦ Ընկերությունում ներքին վերահսկողության արդյունավետ և ողջամիտ համակարգ մշակելու, ներդնելու և պահպանելու համար,
- ✦ Համապատասխան հաշվապահական գրանցումներ վարելու համար, որոնք բավարար կլինեն Ընկերության գործառնությունները արտացոլելու և ներկայացնելու և ցանկացած ժամանակ Ընկերության ֆինանսական վիճակը ողջամիտ ճշգրտությամբ բացահայտելու համար, ինչպես նաև հնարավորություն կընձեռեն ղեկավարությանը հավաստիանալու, որ Ընկերության ֆինանսական հաշվետվությունները համապատասխանում են ՖՀՄՄ-ներին,
- ✦ ՀՀ օրենսդրության և հաշվապահական ստանդարտների պահանջներին համապատասխան հաշվապահական հաշվառում վարելու համար,
- ✦ Ընկերության ակտիվների անվտանգության ապահովման համար խելամիտ քայլերի իրականացման համար, և
- ✦ Խարդախությունների և նմանատիպ այլ երևույթների բացահայտման և կանխարգելման համար:

2021 թ. դեկտեմբերի 31-ին ավարտված տարվա ֆինանսական հաշվետվությունները հաստատված են հրապարակման համար 2023 թ. ապրիլի 4-ին:

Կ. Կարապետյանի Տնօրեն

2023 թ. ապրիլի 4
Երևան, Հայաստանի Հանրապետություն

Վ. Սահակյան
Գլխավոր հաշվապահ

«ԷՅՎԻՍԻ ԲՈՆՍԱԼԹԻՆԳ ԸՆԴ ԱՌԴԻՏ» ՍՊԸ



Consulting&Audit

ՀՀ, ք. Երևան, Նուբարաշեն, 10 փող, տուն 6
ՏԳՀ, Երևան, Մյասնիկյան պողոտա 5/1
Հեռ: (010) 57 28 46
ԱՌԴԻՏՈՐԱԿԱՆ ԳՈՐԾՈՒՆԵՈՒԹՅԱՆ ԼԻՑԵՆԶԻԱ 048,
ՏՐՎԱԾ ՀՀ ՖԻՆԱՆՍՆԵՐԻ ԵՎ ԷԿՈՆՈՄԻԿԱՅԻ
ՆԱԽԱՐԱՐՈՒԹՅԱՆ ԿՈՂՄԻՅ -02.08.2006թ

«ՀԱՅԱՍՏԱՆԻ ԱՌԴԻՏՈՐՆԵՐԻ ԵՎ ՓՈՐՁԱԳԵՏ ՀԱԾՎԱԳԱՀՆԵՐԻ ՊԱԼԱՏ» ՀԿ ԱՆԴԱՄ,
ԳՐԱՆՑՄԱՆ ԱՄՍԱԹԻՎ 2020Թ. ԴԵԿՏԵՄԲԵՐԻ 29, ՀԳԳՀ 1 20 0440

ԱՆԿԱԽ ԱՌԴԻՏՈՐԻ ԵԶՐԱԿԱՑՈՒԹՅՈՒՆ

Ներկայացվում է «ԱՄ Թրեյդինգ» ՓԲԸ-ի բաժնետերերին

Կարծիք

Մենք աուդիտի ենք ենթարկել «ԱՄ Թրեյդինգ» ՓԲԸ -ի (այսուհետ՝ «Ընկերություն») ֆինանսական հաշվետվությունները, որոնք ներառում են ֆինանսական վիճակի մասին հաշվետվությունը՝ առ 2021 թ. դեկտեմբերի 31-ը, ինչպես նաև այդ ամսաթվին ավարտված տարվա շահույթի կամ վնասի և այլ համապարփակ եկամտի, սեփական կապիտալում փոփոխությունների և դրամական միջոցների հոսքերի մասին հաշվետվությունները, ինչպես նաև ֆինանսական հաշվետվություններին կից ծանոթագրությունները՝ ներառյալ հաշվապահական հաշվառման նշանակալի քաղաքականության ամփոփ նկարագիրը:

Մեր կարծիքով կից ֆինանսական հաշվետվությունները բոլոր էական առումներով ճշմարիտ են ներկայացնում Ընկերության ֆինանսական վիճակը 2021 թ. դեկտեմբերի 31-ի դրությամբ, ինչպես նաև այդ ամսաթվին ավարտված տարվա ֆինանսական արդյունքն ու դրամական միջոցների հոսքերը՝ Ֆինանսական հաշվետվությունների միջազգային ստանդարտների համաձայն (ՓՀՄՍ-ներ):

Կարծիքի հիմք

Աուդիտն իրականացրել ենք Աուդիտի միջազգային ստանդարտներին (ԱՄՍ-ներ) համապատասխան: Այդ ստանդարտներից բխող մեր պատասխանատվությունը նկարագրված է այս եզրակացության՝ «Աուդիտորի պատասխանատվությունը ֆինանսական հաշվետվությունների աուդիտի համար» բաժնում: Մենք անկախ ենք Ընկերությունից՝ համաձայն Հաշվապահների էթիկայի միջազգային ստանդարտների խորհրդի կողմից հրապարակված *Պրոֆեսիոնալ հաշվապահի էթիկայի կանոնագրքի* (ՀԷՄՄԽ կանոնագիրք) և պահպանել ենք էթիկայի այլ պահանջները՝ համաձայն նշված պահանջների և ՀԷՄՄԽ կանոնների: Մենք համոզված ենք, որ ձեռք ենք բերել բավարար համապատասխան աուդիտորական ապացույցներ՝ մեր վերապահումով կարծիքն արտահայտելու համար:

Հանգամանքի շեշտադրում

Ուշադրություն ենք հրավիրում ֆինանսական հաշվետվություններին կից 1 և 15 ծանոթագրությունների վրա, որտեղ ներկայացվում է Ընկերության կախվածությունը իր կապակցված կողմերից: Ընկերության հասույթի գծով գործարքների և պարտքային ռիսկերի մեծ մասը բաժին է ընկնում Արմհոլդինգ Իսթի ընկերություններին և Ընկերության վերջնական բաժնետերերի հետ կապակցված կազմակերպություններին: Արդյունքում, Ընկերությունը տնտեսապես կախված է վերջնական բաժնետերերից, նրանց հետ կապակցված կազմակերպություններից և Արմհոլդինգ Իսթի ընկերություններից: Ինչպես նաև, սույն ֆինանսական հաշվետվությունները անհրաժեշտ է դիտարկել Արմհոլդինգ Իսթի ֆինանսական հաշվետվությունների հետ համատեղ: Մեր կարծիքը չի ձևափոխվում այս հանգամանքի առնչությամբ:

Այլ հանգամանք

Ընկերության 2020թ. դեկտեմբերի 31-ին ավարտված տարվա ֆինանսական հաշվետվությունները աուդիտի են ենթարկվել այլ աուդիտորի կողմից:

Ղեկավարության և կառավարման օղակներում գտնվող անձանց պատասխանատվությունը ֆինանսական հաշվետվությունների համար

Ղեկավարությունը պատասխանատու է ՖՀՄՍ-ներին համապատասխան սույն ֆինանսական հաշվետվությունների կազմման, ճշմարիտ ներկայացման և այնպիսի ներքին հսկողության համար, որը ղեկավարությունը համարում է անհրաժեշտ սխալի կամ խարդախության արդյունքում առաջացող էական խեղաթյուրումներից զերծ ֆինանսական հաշվետվությունների պատրաստումն ապահովելու համար:

Ֆինանսական հաշվետվությունները պատրաստելիս ղեկավարությունը պատասխանատու է Ընկերության անընդհատ գործելու կարողությունը գնահատելու համար՝ անհրաժեշտության դեպքում բացահայտելով անընդհատությանը վերաբերող հարցերը, ինչպես նաև հաշվապահական հաշվառման անընդհատության հիմունքը կիրառելու համար, բացառությամբ այն դեպքերի, երբ ղեկավարությունը մտադիր է լուծարել Ընկերությունը, ընդհատել դրա գործունեությունը, կամ էլ չունի այդպես չվարվելու որևէ իրատեսական այլընտրանք:

Կառավարման օղակներում գտնվող անձինք պատասխանատու են Ընկերության ֆինանսական հաշվետվողականության գործընթացի վերահսկման համար:

Աուդիտորի պատասխանատվությունը ֆինանսական հաշվետվությունների աուդիտի համար

Մեր նպատակն է ձեռք բերել ողջամիտ հավաստիացում առ այն, որ ֆինանսական հաշվետվությունները բոլոր էական առումներով զերծ են էական խեղաթյուրումներից, անկախ դրանց խարդախության կամ սխալի հետևանքով առաջացման հանգամանքից, և ներկայացնել մեր կարծիքը ներառող աուդիտորի եզրակացություն: Ողջամիտ հավաստիացումը բարձր մակարդակի հավաստիացում է, բայց այն չի երաշխավորում, որ ԱՄՄ-ներին համապատասխան իրականացված աուդիտը միշտ կհայտնաբերի էական խեղաթյուրումներ, երբ այն առկա է: Խեղաթյուրումները կարող են առաջանալ խարդախության կամ սխալի արդյունքում, և համարվում են էական, երբ խելամտորեն կարող է ակնկալվել, որ դրանք, առանձին, կամ միասին վերցրած, կազդեն ֆինանսական հաշվետվություններն օգտագործողների՝ սույն ֆինանսական հաշվետվությունների հիման վրա կայացվող տնտեսական որոշումների վրա:

ԱՄՄ-ների համաձայն իրականացրած աուդիտի ողջ ընթացքում կիրառում ենք մասնագիտական դատողություն և պահպանում մասնագիտական թերահավատություն: Ի լրումն՝

- ✚ Հատկորոշում և գնահատում ենք խարդախության կամ սխալի հետևանքով ֆինանսական հաշվետվություններում առկա էական խեղաթյուրման ռիսկը, նախագծում և իրականացնում ենք աուդիտորական ընթացակարգեր՝ այդ ռիսկերին արձագանքելու նպատակով և ձեռք ենք բերում աուդիտորական ապացույցներ, որոնք բավարար և համապատասխան հիմք են հանդիսանում մեր կարծիքի համար: Խարդախության հետևանքով առաջացած էական խեղաթյուրման չհայտնաբերման ռիսկն ավելի բարձր է, քան սխալի հետևանքով էական խեղաթյուրման չհայտնաբերման ռիսկը, քանի որ խարդախությունը կարող է ներառել հանցավոր համաձայնություն, զեղծարարություն, միտումնավոր բացթողումներ, սխալ ներկայացումներ, կամ ներքին հսկողության համակարգի չարաշահում:
- ✚ Ձեռք ենք բերում աուդիտին առնչվող ներքին հսկողության մասին պատկերացում՝ տվյալ հանգամանքներին համապատասխան աուդիտորական ընթացակարգեր նախագծելու, և ոչ թե Ընկերության ներքին հսկողության համակարգի արդյունավետության վերաբերյալ կարծիք արտահայտելու համար:
- ✚ Գնահատում ենք հաշվապահական հաշվառման քաղաքականության տեղին լինելը, ինչպես նաև ղեկավարության կողմից կատարված հաշվապահական գնահատումների և առնչվող բացահայտումների խելամտությունը:
- ✚ Եզրահանգում ենք ղեկավարության կողմից հաշվապահական հաշվառման անընդհատության հիմունքի կիրառման տեղին լինելու վերաբերյալ, և հիմնվելով ձեռք բերված աուդիտորական ապացույցների վրա՝ գնահատում ենք, թե արդյոք առկա է դեպքերի կամ հանգամանքների հետ կապված էական անորոշություն, որը կարող է էական

կասկած հարուցել Ընկերության անընդհատ գործելու կարողության նկատմամբ: Եթե եզրահանգում ենք, որ առկա է էական անորոշություն, ապա մեզինք պահանջվում է աուդիտորական եզրակացությունում ուշադրություն հրավիրել ֆինանսական հաշվետվությունների համապատասխան բացահայտումներին, կամ, երբ այդպիսի բացահայտումները բավարար չեն, ձևափոխել մեր կարծիքը: Մեր եզրահանգումները հիմնված են մինչև մեր եզրակացության ամսաթիվը ձեռք բերված աուդիտորական ապացույցների վրա: Սակայն, ապագա դեպքերը կամ իրավիճակները կարող են ստիպել Ընկերությանը դադարեցնել գործունեության անընդհատության հիմունքի կիրառումը:

Գնահատում ենք ֆինանսական հաշվետվությունների ընդհանուր ներկայացումը, կառուցվածքն ու բովանդակությունը, ներառյալ՝ բացահայտումները, ինչպես նաև ֆինանսական հաշվետվությունների հիմքում ընկած գործարքների ու դեպքերի ճշմարիտ ներկայացումը:

Կառավարման օղակներում գտնվող անձանց, ի թիվս այլ հարցերի, հաղորդակցում ենք աուդիտի առաջադրանքի պլանավորված շոջանակի և ժամկետների, ինչպես նաև աուդիտի ընթացքում հայտնաբերված նշանակալի հարցերի, ներառյալ՝ ներքին հսկողությանը վերաբերող նշանակալի թերությունների մասին:

04 ապրիլի 2023թ.

Գլխավոր տնօրեն՝

Աուդիտոր՝



Մ. Ղևորոսյան

Ա. Մխիթարյան

**Շահույթի կամ վնասի և այլ համապարփակ ֆինանսական
արդյունքի մասին հաշվետվություն**

«ԱՄ Թրեյդինգ» ՓԲԸ

2021թ. դեկտեմբերի 31-ին ավարտված տարվա համար

Հազար ՀՀ դրամով

	Ծան.	2021 թ.	2020 թ.
Հասույթ	5	39,762,872	9,911,671
Գնված պաշարների արժեք		(23,693,302)	(3,808,902)
Բեռնափոխադրման վճար		(401,536)	(191,613)
Փոխադրում և ապահովագրություն		(680,198)	(43,323)
Այլ վաճառքի գծով ծախսեր		(119,411)	(28,230)
Այլ եկամուտներ		385,476	-
Այլ ծախսեր		(88,834)	(27,480)
Արժեզրկման կորստի գծով ապահովում	8	(2,187,053)	(1,114,402)
Արտարժույթային գործարքներից զուտ վնաս		(40,607)	(49,307)
Գործառնական շահույթ		12,936,507	4,648,244
Ֆինանսական եկամուտ		5,597	345
Ֆինանսական ծախս	6	(447,633)	(68,198)
Արտարժույթից ոգուտ/ (վնաս)		245,311	(389,168)
Շահույթ/(վնաս) նախքան հարկումը		12,739,782	4,191,223
Շահութահարկի գծով ծախս	7	(304,712)	(91,777)
Տարվա շահույթ/(վնաս)		12,435,070	4,099,446
Այլ համապարփակ եկամուտ			
Հոդվածներ, որոնք կարող են վերադասակարգվել շահույթում կամ վնասում			
Արտարժույթի փոխարկման տարբերություններ		(38,736)	277,863
		(38,736)	277,863
ԸՆԴԱՄԱԵՆԸ ՏԱՐՎԱԾ ԱՎՈՒՅԹ ԵՎ ԱՅԼ ՀԱՄԱՊԱՐՓԱԿ ԵՎԱՄՈՒՏ		12,396,334	4,377,309

Ֆինանսական հաշվետվությունները հաստատվել են հրապարակման համար 2023թ. ապրիլի 4-ին:

Փրնանսական արդյունքի մասին հաշվետվությունը պետք է ընթերցվի այս ֆինանսական հաշվետվությունների
բաղկացուցիչ մասը կազմող կից ծանոթագրությունների հետ մեկտեղ (էջ 11-32):

Կ. Կարապետյան

Տնօրեն



Վ. Սահակյան

Գլխավոր հաշվապահ

Ֆինանսական վիճակի մասին հաշվետվություն

«ԱՄ Թրեյդինգ» ՓԲԸ

2021թ. դեկտեմբերի 31-ին ավարտված տարվա համար

Հազար ՀՀ դրամով

		2021 թ. դեկտեմբերի 31-ի դրությամբ	2020 թ. դեկտեմբերի 31-ի դրությամբ
Ակտիվներ			
Ոչ ընթացիկ ակտիվներ			
Հիմնական միջոցներ		306	-
Հետաձգված հարկային ակտիվներ	7	66,081	23,610
Ընդամենը ոչ ընթացիկ ակտիվներ		66,387	23,610
Ընթացիկ ակտիվներ			
Պաշարներ	8	11,598,572	7,035,468
Առևտրային և այլ դեբիտորական պարտքեր	9	10,423,726	3,895,046
Դրամական միջոցներ և դրանց համարժեքներ	10	160,341	748,883
Ընդամենը ընթացիկ ակտիվներ		22,182,639	11,679,397
Ընդամենը ակտիվներ		22,249,026	11,703,007
Սեփական կապիտալ և պարտավորություններ			
Հասկանալի և պահուստներ			
Բաժնետիրական կապիտալ	11	103,655	103,655
Լրացուցիչ վճարված կապիտալ		150,291	501,846
Արտարժույթի փոխարկման պահուստ		238,858	277,594
Գլխավոր պահուստ		15,548	-
Զբաղիված շահույթ		11,542,009	4,091,494
Ընդամենը սեփական կապիտալ		12,050,361	4,974,589
Ոչ ընթացիկ պարտավորություններ			
Վարկեր և փոխառություններ	12	214,469	2,913,984
Ընդամենը ոչ ընթացիկ պարտավորություններ		214,469	2,913,984
Ընթացիկ պարտավորություններ			
Վարկեր և վավաստություններ	12	4,409,294	1,762,834
Առևտրային և այլ կրեդիտորական պարտք	13	521,451	1,935,451
Վճարման ենթակա շահութահարկ		225,646	114,067
Շահույթի կամ վնասի միջոցով իրական արժեքով չափվող ֆինանսական պարտավորություններ	14	-	2,082
Վճարման ենթակա շահաբաժիններ		4,827,805	-
Ընդամենը ընթացիկ պարտավորություններ		9,984,196	3,814,434
Ընդամենը պարտավորություններ		10,198,665	6,728,418
Ընդամենը սեփական կապիտալ և պարտավորություններ		22,249,026	11,703,007

Ֆինանսական հաշվետվությունները հաստատվել են հրապարակման համար 2023թ. ապրիլի 4-ին:

Ֆինանսական վիճակի մասին հաշվետվությունը պետք է ընթերցվի այս ֆինանսական հաշվետվությունների բաղկացուցիչ մասը կազմող կից ծանոթագրությունների հետ մեկտեղ (ԼՃ11-32):

Կ. Կարապետյան

Վ. Սահակյան

Տնօրեն

Գլխավոր հաշվապահ



Մեփական կապիտալում փոփոխությունների մասին հաշվետվություն

«ԱՄ Թրեյդինգ» ՓԲԸ

2021 թ. դեկտեմբերի 31-ին ավարտված տարվա համար

Հազար ՀՀ դրամով

	Բաժնետիրական կապիտալ 100	Լրացուցիչ վճարված կապիտալ	Գլխավոր պահուստ	Արտաբյուջեի փոխարկման պահուստ	Զբաղիված շահույթ (7,952)	Ընդամենը (8,121)
Մնացորդը 2020 թ. հունվարի 1-ի դրությամբ						
Տարվա շահույթ	-	-	-	-	4,099,446	4,099,446
Այլ համապարփակ եկամուտ	-	-	-	277,863	-	277,863
Ընդամենը տարվա համապարփակ եկամուտ	-	-	-	277,863	-	277,863
Գործադրներ սեփականատերերի հետ՝	103,555	501,846	-	-	4,099,446	4,377,309
Գրանցված անմիջապես սեփական կապիտալում						501,846
Լրացուցիչ վճարված կապիտալի ճանաչում		-	-	-	-	103,555
Թողարկված բաժնետիրական կապիտալ						
Մնացորդը 2020 թ. դեկտեմբերի 31-ի դրությամբ	103,655	501,846	-	-	4,091,494	4,974,589
Տարվա շահույթ	-	-	-	-	12,435,070	12,435,070
Այլ համապարփակ եկամուտ	-	-	-	(38,736)	-	(38,736)
Ընդամենը տարվա համապարփակ եկամուտ	-	-	-	(38,736)	12,435,070	12,396,334
Գործադրներ սեփականատերերի հետ՝	-	-	-	-	-	-
Գրանցված անմիջապես սեփական կապիտալում						(351,555)
Լրացուցիչ վճարված կապիտալի ճանաչում	-	(351,555)	-	-	-	-
Թողարկված բաժնետիրական կապիտալ	-	-	-	-	-	-
Հայտարարված շահաբաժիններ	-	-	-	-	-	-
Գլխավոր պահուստին հատկացում	-	-	15,548	-	(4,969,007)	(4,969,007)
Գործադրներ սեփականատերերի հետ՝	-	(351,555)	15,584	-	(4,984,555)	(5,320,561)
Գրանցված անմիջապես սեփական կապիտալում						
Մնացորդը 2021. դեկտեմբերի 31-ի դրությամբ	103,655	150,291	15,548	238,858	11,542,009	12,050,361

Հաստատվել է իրապարակման համար 2023 թ. ապրիլի 4-ին

Մեփական կապիտալում փոփոխությունների մասին հաշվետվություն պետք է ընթերցվի այս ֆինանսական հաշվետվությունների բաղկացուցիչ մասը կազմող կից ծանոթագրությունների հետ մեկտեղ (Ըջ 11-32):

Կ. Կարապետյան
Տնօրեն



Վ. Սահակյան
Գլխավոր հաշվապահ

Դրամական միջոցների հոսքերի մասին հաշվետվություն

«ԱՄ Թրեյդինգ» ՓԲԸ

2021թ. դեկտեմբերի 31-ին ավարտված տարվա համար

Հազար ՀՀ դրամով

	Ծան.	2021 թ.	2020թ.
Գործառնական գործունեությունից դրամական հոսքեր			
Շահույթ/(վնաս) նախքան հարկումը		12,739,782	4,191,223
Ոչգրառուներ			
Պաշարների գծով արժեզրկումից կորուստներ		2,187,953	1,114,492
Ֆինանսական ծախսեր		447,633	68,198
Ֆինանսական եկամուտ		(5597)	(345)
Այլ ոչ դրամական միավորներ		6,605	1,291
Արտարժույթային փոխարկումից զուտ վնաս		(245,311)	389,168
Գործառնական գործունեությունից դրամական միջոցների ներհոսք/(արտահոսք) նախքան շրջանառու կապիտալի փոփոխությունը		15,131,065	5,764,027
Առևտրային և այլ դեբիտորական պարտքի (աճ)/նվազում		(7,021,739)	(3,745,113)
Պաշարների (աճ)		(11,151,719)	(7,873,588)
Առևտրային և այլ կրեդիտորական պարտքի աճ/ (նվազում)		(1,217,153)	1,538,886
Գործառնական գործունեությունում օգտագործված դրամական միջոցներ		(4,259,546)	(4,315,788)
Վճարված շահութահարկ		(231,310)	(4,913)
Գործառնական գործունեությունում օգտագործված զուտ դրամական միջոցներ		(4,490,656)	(4,320,701)
Ֆինանսական գործունեությունից դրամական միջոցներ			
Մուտքեր վարկերից և փոխառություններից	12	4,143,661	4,724,532
Մուտքեր բաժնետիրական կապիտալի համալրումից		-	103,555
Վճարված շահաբաժիններ		(99,557)	
Ֆինանսական գործունեությունից զուտ դրամական միջոցներ		4,044,104	4,828,087
Դրամական միջոցների և դրանց համարժեքների զուտ աճ/(նվազում)		(446,752)	507,386
Դրամական միջոցներ և դրանց համարժեքներ տարեկվորին		748,883	24
Արտարժույթի փոխարժեքի փոփոխության ազդեցությունը արտարժույթով պահվող դրամական միջոցների մնացորդների վրա		(20,926)	12,717
Արտարժույթի փոխարկման ազդեցությունը		(120,864)	228,756
Դրամական միջոցներ և դրանց համարժեքներ տարեկվորին	10	160,341	748,883

Հաստատվել է հրապարակման համար 2023 թ. ապրիլի 4-ին:

Դրամական հոսքերի մասին հաշվետվությունը պետք է ընթերցվի այս ֆինանսական հաշվետվությունների բաղկացուցիչ մասը կազմող կից ծանոթագրությունների հետ մեկտեղ (էջ 11-32)

Կ. Կարապետյան
Տնօրեն

Վ. Սահակյան
Գլխավոր հաշվապահ



Ֆինանսական հաշվետվություններին կից ծանոթագրություններ

«ԱՄ Թրեյդինգ» ՓԲԸ

2021թ. դեկտեմբերի 31-ին ավարտվող տարվա համար

Հազար ՀՀ դրամով, եթե այլ բան նշված չէ

1. Ընդհանուր տեղեկություն

«ԱՄ Թրեյդինգ» ՓԲԸ-ն (այսուհետ՝ «Ընկերություն») փակ բաժնետիրական ընկերություն է, որը հիմնադրվել է Հայաստանի Հանրապետությունում 2017 թ. փետրվարի 24-ին՝ Հայաստանի Հանրապետության օրենսդրությանը համապատասխան:

Ընկերության գրանցման հասցեն է՝ Հայաստանի Հանրապետություն, ք. Երևան, 0015, Արելյան 6/4:

Ընկերությունը զբաղվում է սպառողական պատրաստի ապրանքների ներմուծմամբ Կիպրոսից, Գերմանիայից, ԱՄԷ-ից և արտահանում է Ռուսաստանի Դաշնություն՝ բեռնափոխադրմամբ՝ հետագա վերավաճառքի համար: Սպառողական ապրանքները ներառում են հագուստ, մորթեղեն, արքեսուարներ և այլն:

Հիմք ընդունելով 2015 թվականի մարտի 12-ին «Կորպորատիվ շահութահարկի մասին» ՀՀ օրենքում կատարված փոփոխությունները, որոնք հետագայում ներառվել են 2018 թվականի հունվարի 1-ից գործող Հարկային օրենսգրքում, ընկերությունները, որոնք համապատասխանում են որոշակի չափանիշների (արդյունաբերություն, տարեկան շրջանառություն, գործունեության վայր), կարող են Հայաստանի կառավարության հաստատմանը ներկայացնել արտահանման ծրագիր, որից հետո կիրառվում է կորպորատիվ շահութահարկի 2% դրույքաչափը: Ընկերության 2018-2028 թվականների արտահանման ծրագիրը կառավարության կողմից հաստատվել է 2017 թ. դեկտեմբերի 28-ին:

Կորպորատիվ եկամտահարկի արտոնությունը չեղյալ է համարվել 2018 թ. հունիսի 26-ին ընդունված Հարկային օրենսգրքում կատարված փոփոխության հիման վրա, որում, սակայն, նշվում էր, որ մինչև 2019 թ. հունվարի 1-ը Կառավարության կողմից հաստատված արտահանման այդ ծրագրերը գործում են մինչև 2029 թ. դեկտեմբերի 31-ը:

Ընկերությունը պատկանում է Gemford Holdings Limited-ին, սահմանափակ պատասխանատվությամբ ընկերությանը (գրանցված Vas. Freiderikis 20, EL GRECO HOUSE, 1-ին հարկ, բն. 104, 1066, Նիկոսիա, Կիպրոս հասցեում), որին պատկանում է Ընկերության սովորական ձայնի իրավունք ունեցող բաժնետոմսերի 98%-ը և Արմհոլդինգ ՓԲԸ-ին (գրանցված ՀՀ, Երևան 0009, Տերյան 69 հասցեում), որին պատկանում է Ընկերության սովորական ձայնի իրավունք ունեցող բաժնետոմսերի 2% և 100% առանց ձայնի իրավունք ունեցող կուտակային արտոնյալ բաժնետոմսերը: Ընկերության վերջնական վերահսկող կողմ է հանդիսանում Ալեքսանդր Գոլովինը (միասին՝ «Բաժնետերերի խումբ», «վերջնական բաժնետերեր»):

Ընկերության հասույթի գծով գործարքների, ֆինանսավորման և պարտքային ռիսկի մեծ մասը բաժին է ընկնում վերջնական բաժնետերերի հետ կապակցված կազմակերպություններին: Արդյունքում Ընկերությունը տնտեսապես կախված է վերջնական բաժնետերերից, նրանց հետ կապակցված կազմակերպություններից: Ընկերության վաճառքի և պարտքային ռիսկերի գնի և ծավալի որոշումը կատարվում է վերջնական բաժնետերերի մյուս ընկերությունների հետ համատեղ: Ավելին, խմբի բաժնետերերը և ղեկավարությունը վերանայում են առևտրային գործունեության գործառնական արդյունքները և վերջինիս ընդհանուր ֆինանսական արդյունքները խմբի մակարդակով:

Կապակցված կողմերի հետ գործարքները ներկայացված են ծան. 15-ում:

2. Համապատասխանության մասին հայտարարություն

Սույն ֆինանսական հաշվետվությունները պատրաստվել են Ֆինանսական հաշվետվությունների միջազգային ստանդարտների (ՀՀՄՍ) համաձայն:

Սույն ֆինանսական հաշվետվությունները պատրաստվել են այն ենթադրության հիման վրա, որ Ընկերությունը գործում է անընդհատության հիմունքով և կշարունակի գործունեությունը մոտ ապագայում:

Սույն ֆինանսական հաշվետվությունները ներկայացված են ՀՀ դրամով (այսուհետ՝ դրամ), եթե այլ բան նշված չէ:

3. Հաշվապահական հաշվառման նշանակալի քաղաքականությունը **Պատրաստման հիմունքներ**

Սույն ֆինանսական հաշվետվությունները պատրաստված են սկզբնական արժեքի հիման վրա: Սկզբնական արժեքը սովորաբար հիմնված է ապրանքների և ծառայությունների դիմաց տրված հատուցման իրական արժեքի վրա:

Իրական արժեքն այն գումարն է, որը շուկայի մասնակիցների միջև սովորական գործարքի արդյունքում կստացվեր ակտիվը վաճառելիս, կամ կվճարվեր պարտավորությունը փոխանցելիս՝ անկախ նրանից, թե արդյոք գինը ուղղակիորեն դիտարկելի է կամ գնահատվել է՝ օգտագործելով այլ գնահատման մեթոդներ: Ակտիվի կամ պարտավորության իրական արժեքը գնահատելիս Ընկերությունը հաշվի է առնում ակտիվի կամ պարտավորության բնութագրերը, եթե շուկայի մասնակիցներն այդ բնութագրերը հաշվի կառնեին չափման ամսաթվի դրությամբ ակտիվի կամ պարտավորության գինը որոշելիս:

Այս ֆինանսական հաշվետվություններում չափման և/կամ այլ բացահայտումների նպատակով իրական արժեքը որոշվում է նման սկզբունքներով, բացառությամբ բաժնետոմսերի վրա հիմնված վճարման գործարքների, որոնք որոշվում են ՖՀՄՍ 2-ի շրջանականներում, լիզինգային գործարքների, որը որոշվում է ՖՀՄՍ 16 շրջանականներում, և իրական արժեքին որոշակի նմանություն ունեցող գնահատականները, որոնք իրական արժեք չեն հանդիսանում, ինչպիսիք են՝ իրացման գուտ արժեքը՝ ՀՀՄՍ 2-ի շրջանականներում, կամ օգտագործման արժեքը՝ ՀՀՄՍ 36-ի շրջանականներում:

Ի լրումն, ֆինանսական հաշվետվությունների նպատակով իրական արժեքի չափումները դասակարգվում են մակարդակ 1, 2 և 3-ի՝ ելնելով իրական արժեքի չափումներում օգտագործված սկզբնական տվյալների դիտարկելիության աստիճանից, ինչպես նաև այդ սկզբնական տվյալների՝ իրական արժեքով չափման ամբողջական պատկերի վրա ազդեցության էականության աստիճանից: Այդ մակարդակները կարելի է նկարագրել հետևյալ կերպ՝

- ✚ Մակարդակ 1-ի դեպքում մուտքային տվյալներ են հանդիսանում ակտիվ շուկայում համանման ակտիվների կամ պարտավորությունների նշված գները (չճշգրտված), որոնք Ընկերությանը հասանելի են չափման ամսաթվի դրությամբ:
- ✚ Մակարդակ 2-ի մուտքային տվյալներն իրենցից ներկայացնում են մակարդակ 1-ում նշված գներից տարբերվող մուտքային տվյալները, որոնք ուղղակիորեն կամ անուղղակիորեն դիտարկելի են ակտիվների կամ պարտավորությունների գծով:
- ✚ Մակարդակ 3-ի մուտքային տվյալները իրենցից ներկայացնում են ակտիվների կամ պարտավորությունների գծով ոչ դիտարկելի մուտքային տվյալները:

Հայաստանի Հանրապետությունում գրանցված Ընկերությունը իր հաշվապահական հաշվառումն իրականացնում է Հայաստանի Հանրապետության օրենսդրության պահանջների համաձայն:

Գործառնական և ներկայացման արժույթ

Ֆինանսական հաշվետվություններում ներառված միավորները չափվում են այն տնտեսական միջավայրում գործող արժույթով, որում Ընկերությունն իրականացնում է իր գործունեությունը («գործառնական արժույթ»): Ռուսական ռուբլին Ռուսաստանի Դաշնությունում գործող արժույթն է և Ընկերության գործառնական արժույթը:

Այս ֆինանսական հաշվետվությունների նպատակների համար ղեկավարությունը որոշել է որպես ներկայացման արժույթ օգտագործել ՀՀ դրամը (դրամ):

Ֆինանսական վիճակի մասին հաշվետվությունում ներառված ակտիվները և պարտավորությունները դրամի փոխանակելու համար կիրառվում է հաշվետու ամսաթվի դրությամբ գործող փոխանակման փոխարժեքը: Եկամուտների, ծախսերի բոլոր հոդվածները փոխանակվում են գործարքների ամսաթվերի դրությամբ գործող փոխանակման միջին փոխարժեքներով (եթե այդ միջինը չի հանդիսանում գործարքի ամսաթվերին տիրող փոխարժեքների կուտակային ազդեցության ողջամիտ մոտարկումը, որի դեպքում եկամուտներն ու ծախսերը փոխարկվում են գործարքի ամսաթվերին):

Սեփական կապիտալի բաղադրիչները փոխարկվում են սկզբնական փոխարժեքով: Ստացված փոխարժեքային տարբերությունը գրանցվում է արտարժույթի փոխակման պահուստում, փոփոխությունները ճանաչվում են որպես այլ համապարփակ եկամուտ: Ամբողջ ֆինանսական տեղեկատվությունը ներկայացվում է կլորացված հազար դրամի չափով, երբ այլ բան նշված չէ:

Ռուբլիով գումարների ցանկացած փոխարկում ՀՀ դրամի չափերը է ընդունվի որպես հավաստիացում, որ ռուբլիով գումարները եղել են, կարող են լինել կամ ապագայում կլինեն փոխարկելի դրամի ներկայացված փոխարժեքով կամ ցանկացած այլ փոխարժեքով:

Հաշվանցում

Ֆինանսական ակտիվները և պարտավորությունները հաշվանցվում են՝ ֆինանսական վիճակի մասին հաշվետվությունում արտացոլվելով զուտ գումարով, եթե գոյություն ունի ճանաչված գումարները հաշվանցելու իրավաբանորեն ամրագրված իրավունք և հաշվարկը զուտ հիմունքով իրականացնելու կամ միաժամանակ ակտիվն իրացնելու և պարտավորությունը մարելու մտադրություն: Եկամուտները և ծախսերը չեն հաշվանցվում շահույթի կամ վնասի և այլ համապարփակ ֆինանսական արդյունքների մասին հաշվետվությունում, եթե դա չի պահանջվում կամ թույլատրվում որևէ հաշվապահական հաշվառման ստանդարտով կամ մեկնաբանությամբ, և հստակ բացահայտված չէ Ընկերության հաշվապահական քաղաքականության մեջ:

Ընկերության հաշվապահական հաշվառման քաղաքականության հիմնադրույթները ներկայացված են ստորև: Սույն հաշվետվությունում ներկայացված հաշվապահական քաղաքականությունը հետևողականորեն կիրառվել է սույն ֆինանսական հաշվետվություններում ներկայացված բոլոր ժամանակաշրջանների համար:

Արտարժույթով գործարքներ

Ընկերության գործառնական արժույթից տարբեր այլ արժույթներով (արտարժույթով) կատարված գործարքները ճանաչվում են համապատասխան գործառնական արժույթի գործարքի օրվա դրությամբ սահմանված փոխարժեքով: Յուրաքանչյուր հաշվետու ամսաթվի վերջի դրությամբ արտարժույթով արտահայտված դրամային ակտիվները և պարտավորությունները վերափոխարկվում են գործառնական արժույթի այդ օրվա դրությամբ սահմանված փոխարժեքով:

Դրամային միավորների գծով արտարժույթով իրականացված գործառնականություններից առաջացած օգուտը կամ վնասն իրենից ներկայացնում է ժամանակաշրջանի սկզբում գործառնական արժույթով արտահայտված, արդյունավետ տոկոսադրույթի ու ժամանակաշրջանի վնասումների ճշգրտումով ամորտիզացված արժեքի և հաշվետու ժամանակաշրջանի վերջի դրությամբ գործող փոխարժեքով փոխարկված, գործառնական արժույթով արտահայտված ամորտիզացված արժեքի միջև տարբերությունը:

Սկզբնական արժեքով չափվող, արտարժույթով արտահայտված ոչ դրամային միավորները փոխարկվում են գործառնական արժույթի գործարքի օրվա դրությամբ սահմանված փոխարժեքով: Վերափոխարկման հետևանքով առաջացած արտարժույթային տարբերությունները ճանաչվում են համապարփակ ֆինանսական արդյունքում՝ դրանց առաջացման ամսում:

Արտարժույթի փոխարժեքային տարբերություններից առաջացած օգուտներն ու վնասները ներառվում են զուտ հիմունքով՝ որպես ֆինանսական եկամուտ կամ ֆինանսական ծախս՝ կախված այն հանգամանքից՝ արդյոք արտարժույթի շարժերը զուտ օգուտի կամ զուտ վնասի դիրքում են:

Ֆինանսական հաշվետվությունները պատրաստելիս Ընկերության կողմից կիրառված փոխարժեքները տարվա վերջի դրությամբ հետևյալն են՝

	Միջին փոխարժեք		Սփոթ փոխարժեք	
	2021թ.	2020թ.	2021 թ. դեկտեմբերի 31	2020 թ. դեկտեմբերի 31
ՀՀ դրամ / ռուբլի	0.1466	0.1479	0.1558	0.1415
ԱՄՆ դոլար / ռուբլի	73,69	72.32	74,79	73.88
Եվրո / ռուբլի	87,08	82.84	84,52	90.68

Հարկում

Շահութահարկի գծով ծախսը ներառում է ընթացիկ հարկի գծով պարտավորությունը և հետաձգված հարկը:

Ընթացիկ հարկ

Ընթացիկ հարկի գծով պարտավորությունը հիմնված է տարվա հարկվող շահույթի վրա: Հարկվող շահույթը տարբերվում է համապարփակ եկամուտների մասին հաշվետվությունում ներկայացվող «շահույթ մինչև հարկում»-ից եկամտի և ծախսի այնպիսի տարրերի պատճառով,

որոնք հարկման կամ նվազեցման ենթակա են այլ հաշվետու ժամանակաշրջաններում, ինչպես նաև այն տարրերի, որոնք երբևէ չեն հարկվելու կամ նվազեցվելու: Ընկերության ընթացիկ հարկային պարտավորությունները հաշվարկվում են՝ կիրառելով հաշվետու ժամանակաշրջանի վերջի դրությամբ ուժի մեջ մտած կամ, ըստ էության, ուժի մեջ մտած հարկի դրույքաչափերը:

Հետաձգված հարկ

Հետաձգված հարկերը ճանաչվում են ժամանակավոր տարբերությունների գծով, որոնք առաջանում են ֆինանսական հաշվետվություններում ճանաչված ակտիվների և պարտավորությունների հաշվեկշռային գումարների և հարկման բազաների միջև, որոնք օգտագործվում են հարկվող շահույթի հաշվարկում: Հետաձգված հարկային պարտավորությունները ընդհանուր առմամբ ճանաչվում են բոլոր հարկվող ժամանակավոր տարբերությունների գծով: Հետաձգված հարկային ակտիվները, ընդհանուր առմամբ, ճանաչվում են բոլոր նվազեցվող ժամանակավոր տարբերությունների գծով միայն այն չափով, որքանով հավանական է, որ ապագայում առկա կլինի հարկման ենթակա շահույթ, որի դիմաց կարող են օգտագործվել նվազեցվող ժամանակավոր տարբերությունները:

Նմանատիպ հետաձգված հարկային ակտիվները և պարտավորությունները չեն ճանաչվում այն ժամանակավոր տարբերությունների համար, որոնք առաջանում են ակտիվների և պարտավորությունների սկզբնական ճանաչման պահին այնպիսի գործարքների արդյունքում, որոնք ազդեցություն չունեն ինչպես հաշվապահական, այնպես էլ հարկվող շահույթի վրա: Ի լրումն դրա, հետաձգված հարկային պարտավորությունները չեն ճանաչվում, եթե ժամանակավոր տարբերությունն առաջացել է գուղվիի սկզբնական ճանաչումից:

Հետաձգված հարկային ակտիվի հաշվեկշռային արժեքը պետք է վերանայվի յուրաքանչյուր հաշվետու ժամանակաշրջանի վերջում և նվազեցվի այն չափով, որով այլևս հավանական չէ, որ կստանա բավարար հարկվող շահույթ, որը թույլ կտա հետաձգված հարկային ակտիվից օգուտն ամբողջությամբ կամ մասամբ իրացնել:

Հետաձգված հարկային ակտիվները և պարտավորությունները պետք է չափվեն հարկերի այն դրույքների օգտագործմամբ, որոնք ակնկալվում է, որ կկիրառվեն ակտիվի իրացման կամ պարտավորության մարման ժամանակ՝ հիմք ընդունելով հարկերի այն դրույքները (և հարկային օրենքները), որոնք ուժի մեջ են եղել, կամ, ըստ էության, ուժի մեջ են եղել հաշվետու ժամանակաշրջանի վերջում:

Հետաձգված հարկային պարտավորությունների և հետաձգված հարկային ակտիվների չափումը պետք է արտացոլի հարկային հետևանքները, որոնք կառաջանան՝ կախված այն եղանակից, որով Ընկերությունը հաշվետու ժամանակաշրջանի վերջում ակնկալում է փոխհատուցել կամ մարել իր ակտիվների կամ պարտավորությունների հաշվեկշռային արժեքները:

Տարվա ընթացիկ և հետաձգված հարկեր

Ընթացիկ և հետաձգված հարկերը ճանաչվում են ֆինանսական արդյունքում, բացառությամբ այն դեպքերի, երբ դրանք վերաբերում են տարրերի, որոնք ճանաչվել են այլ համապարփակ եկամուտներում կամ ուղղակիորեն սեփական կապիտալում, ինչի դեպքում ընթացիկ և հետաձգված հարկերը նույնպես ճանաչվում են այլ համապարփակ եկամուտներում կամ ուղղակիորեն սեփական կապիտալում: Եթե ընթացիկ կամ հետաձգված հարկերն առաջանում են բիզնեսների միավորման սկզբնական հաշվապահական հաշվառման արդյունքում, ապա հարկային հետևանքները ներառվում են բիզնեսների միավորման հաշվապահական հաշվառման մեջ:

Հասույթի ճանաչում

Ընկերությունը ճանաչում է հասույթը՝ արտացոլելով ապրանքների և ծառայությունների փոխանցումը հաճախորդներին այն գումարով, որը Ընկերությունն ակնկալում է ստանալ տվյալ ապրանքների և ծառայությունների դիմաց:

Ապրանքների վաճառք

Ապրանքների վաճառքից հասույթը ճանաչվում է 5 քայլից բաղկացած մոտեցմամբ, ինչպես ներկայացված է ՖՀՄՄ 15 ստանդարտում.

- ✚ Ընկերությունը նույնականացնում է հաճախորդի հետ պայմանագիրը
- ✚ Ընկերությունը սահմանում է պայմանագրում կատարման պարտավորությունները,
- ✚ Գործարքի գինը որոշում է Ընկերությունը,
- ✚ Գործարքի գինը բաշխվում է պայմանագրերում կատարման պարտավորություններին,
- ✚ Հասույթը ճանաչվում է միայն այն դեպքում, երբ Ընկերությունը կատարում է պայմանագրով

ստանձնած պարտավորությունը:

Ընկերությունը ճանաչում է հասույթը, երբ կամ որպես կատարման պարտավորությունը կատարվում է, այսինքն՝ երբ ապրանքները վաճառվում են մանրածախ խանութներում մանրածախ հասույթների համար կամ մատակարարվում հաճախորդներին մեծածախ վաճառքի համար:

Հասույթը նվազեցվում է հաճախորդների գնահատված վերադարձի, գեղչերի և այլ համանման պահուստների գծով:

Պաշարներ

Պաշարները հաշվառվում են ինքնարժեքից և իրացման գուտ արժեքից նվազագույնով: Պաշարների ինքնարժեքը որոշվում է առաջին մուտք՝ առաջին ելք հիմունքով (FIFO):

Իրացման գուտ արժեքն իրենից ներկայացնում է պաշարների գնահատված իրացման արժեքը՝ հանած բոլոր այն ծախսերը, որոնք անհրաժեշտ են այն ավարտելու և վաճառքն իրականացնելու համար:

Ծառայությունների մատուցում

Ծառայությունների մատուցումից հասույթը ճանաչվում է 5 քայլից բաղկացած մոտեցմամբ, ինչպես ներկայացված է ՖՀՄՄ 15 ստանդարտում:

- Ընկերությունը նույնականացնում է հաճախորդի հետ պայմանագիրը,
- Ընկերությունը սահմանում է պայմանագրում կատարման պարտավորությունները,
- Գործարքի գինը որոշում է Ընկերությունը,
- Գործարքի գինը բաշխվում է պայմանագրերում կատարման պարտավորություններին,
- Հասույթը ճանաչվում է միայն այն դեպքում, երբ Ընկերությունը կատարում է պայմանագրով ստանձնած պարտավորությունը:

Պահուստներ

Պահուստները ճանաչվում են, երբ Ընկերությունն ունի ներկա պարտականություն (իրավական կամ կառուցողական), որպես անցյալ դեպքերի արդյունք և հավանական է, որ Ընկերությունից կպահանջվի կատարել պարտականությունը և պարտականության գումարը հավաստիորեն կարող է գնահատվել:

Պահուստում ճանաչված գումարն իրենից ներկայացնում է հաշվետու ժամանակաշրջանի վերջի դրությամբ լավագույն գնահատականը, որը կպահանջվի ներկա պարտականությունը մարելու համար՝ հաշվի առնելով հարակից ռիսկերը և անորոշությունները: Երբ պահուստը գնահատվում է առկա պարտավորությունը մարելու համար հաշվարկված դրամական միջոցների հոսքերի միջոցով, դրա հաշվեկշռային արժեքը դրամական միջոցների հոսքերի (եթե ժամանակի մեջ դրամի արժեքի ազդեցությունն էական է) ներկայիս արժեքն է:

Եթե ակնկալվում է, որ երրորդ կողմն ամբողջությամբ կամ մասամբ փոխհատուցելու է պահուստը մարելու համար պահանջվող ծախսումները, ապա փոխհատուցումը պետք է դիտվի որպես առանձին ակտիվ, երբ ըստ էության որոշակի է, որ Ընկերության կողմից պարտավորությունը մարելու դեպքում փոխհատուցումը կստացվի և փոխհատուցման գումարը կարող է արժանահավատորեն չափվել:

Ֆինանսական գործիքներ

Ֆինանսական ակտիվները և պարտավորությունները ճանաչվում են, երբ Ընկերությունը դառնում է գործիքի պայմանագրային կողմ:

Ֆինանսական ակտիվի կամ պարտավորության սկզբնական չափումը տեղի է ունենում իրական արժեքով: Շահույթի կամ վնասի միջոցով իրական արժեքով չափվող ֆինանսական գործիքների խմբում չդասակարգված ֆինանսական ակտիվների կամ պարտավորությունների դեպքում իրական արժեքին գումարվում են կամ իրական արժեքից նվազեցվում են գործարքի հետ կապված ծախսումները, որոնք ուղղակիորեն վերագրելի են ֆինանսական ակտիվի կամ պարտավորության ձեռքբերմանը կամ թողարկմանը սկզբնական ճանաչման ժամանակ, ըստ անհրաժեշտության: Գործարքի գծով ծախսերը, որոնք ուղղակիորեն վերագրելի են շահույթի կամ վնասի միջոցով իրական արժեքով չափվող ֆինանսական ակտիվների կամ պարտավորությունների ձեռքբերմանը, անմիջապես ճանաչվում են շահույթում կամ վնասում:

Արդյունավետ տոկոսադրույքի մեթոդ

Արդյունավետ տոկոսադրույքի մեթոդն իրենից ներկայացնում է որոշակի ժամանակահատվածում պարտքային գործիքի ամորտիզացված արժեքի հաշվարկի և տոկոսային եկամտի բաշխման մեթոդ: Արդյունավետ տոկոսադրույքն այն տոկոսադրույքն է, որը ճշգրտորեն գեղջում է ապագա գնահատված կանխիկի ստացումները (ներառյալ բոլոր տեսակի միջնորդավճարները և ստացված կամ վճարված գումարները, որոնք կազմում են արդյունավետ տոկոսադրույքի անբաժանելի մասը, գործարքի հետ կապված ծախսերը և այլ պարգևավճարները կամ գեղջերը) պարտքային գործիքի ակնկալվող գործողության ժամանակահատվածի ողջ ընթացքում, կամ, ըստ անհրաժեշտության, ավելի կարճ ժամանակահատվածում՝ հասցնելով սկզբնական ճանաչման պահին առկա գուտ հաշվեկշռային արժեքին:

Ֆինանսական ակտիվներ

Բոլոր ֆինանսական ակտիվները ճանաչվում և ապանանաչվում են գործարքի օրվա դրությամբ, երբ ֆինանսական ակտիվի ձեռքբերումը կամ վաճառքը համաձայնեցվում է պայմանագրով, և ըստ այդ պայմանագրի պայմանները անհրաժեշտ է ապահովել ֆինանսական ակտիվի մատակարարումը համապատասխան շուկայում սահմանված ժամանակահատվածում, և սկզբնապես գնահատվում են իրական արժեքով, գումարած գործարքի գծով ծախսերը:

ՖՀՄՍ 9 շրջանակներում բոլոր ճանաչված ֆինանսական ակտիվները պետք է հետազայում չափվեն ամորտիզացված արժեքով կամ իրական արժեքով, հիմք ընդունելով Ընկերության ֆինանսական ակտիվների և ֆինանսական ակտիվների դրամային հոսքերի հատկանիշների կառավարման բիզնես մոդելը:

Մասնավորապես՝

- ✚ պարտքային գործիքներ, որոնք պահվում են բիզնես մոդելում, որի նպատակն է հավաքագրել պայմանագրով նախատեսված դրամական հոսքերը և որոնք ունեն պայմանագրով նախատեսված դրամական հոսքեր, որոնք հանդիսանում են միայն մայր գումարի և չմարված մայր գումարի վրա հաշվարկված տոկոսների վճարումներ (SPPI), հետազայում չափվում են ամորտիզացված արժեքով:
- ✚ պարտքային գործիքներ, որոնք պահվում են բիզնես մոդելում, որի նպատակն է ոչ միայն հավաքագրել պայմանագրով նախատեսված դրամական հոսքերը, այլև վաճառել պարտքային գործիքները և որոնք ունեն պայմանագրով նախատեսված դրամական հոսքեր, որոնք հանդիսանում են միայն մայր գումարի և չմարված մայր գումարի վրա հաշվարկված տոկոսների վճարումներ, հետազայում չափվում են այլ համապարփակ ֆինանսական արդյունքի միջոցով իրական արժեքով:
- ✚ Բոլոր այլ պարտքային գործիքները (պարտքային գործիքներ իրական արժեքի հիմունքով կառավարվող կամ վաճառքի համար պահվող) և բաժնային գործիքներում ներդրումները հետազայում գնահատվում են շահույթի կամ վնասի միջոցով իրական արժեքով:

Պարտքային գործիքներ ամորտիզացված արժեքով կամ այլ համափակ ֆինանսական արդյունքի միջոցով իրական արժեքով չափվող. Ընկերությունը գնահատում է ֆինանսական ակտիվի դասակարգումը և չափումը՝ հիմք ընդունելով ակտիվի՝ պայմանագրով նախատեսված դրամական հոսքերի հատկանիշները և ակտիվի կառավարման մասով Ընկերության բիզնես մոդելը:

Որպեսզի ակտիվը դասակարգվի և չափվի ամորտիզացված արժեքով կամ այլ համապարփակ ֆինանսական արդյունքների միջոցով իրական արժեքով, պայմանագրային պայմանները պետք է առաջացնեն դրամական հոսքեր, որոնք հանդիսանում են միայն մայր գումարի և չմարված մայր գումարի վրա հաշվարկված տոկոսների վճարումներ (SPPI).

SPPI թեստի նպատակներով, մայր գումար է հանդիսանում ֆինանսական ակտիվի իրական արժեքը սկզբնական ճանաչման ժամանակ: Մայր գումարը կարող է փոփոխվել ֆինանսական ակտիվի գործողության ժամանակահատվածի ողջ ընթացքում (եթե առկա են մայր գումարի մարումներ): Տոկոսն իրենից ներկայացնում է հատուցումներ ժամանակի մեջ դրամի արժեքի մասով, որոշակի ժամանակահատվածի ընթացքում չմարված մայր գումարի գծով վարկային ռիսկի և այլ հիմնական վարկային ռիսկերի և ծախսերի, ինչպես նաև շահույթի սահմանաչափի

մասով: SPPI գնահատումը իրականացվում է այն արժույթով, որով արտահայտվում է ֆինանսական ակտիվը:

Պայմանագրով նախատեսված դրամական հոսքերը, որոնք հանդիսանում են միայն մայր գումարի և չմարված մայր գումարի վրա հաշվարկված տոկոսների վճարումներ, համապատասխանում են հիմնական վարկային համաձայնությանը: Պայմանագրային պայմանները, որոնք ներկայացնում են պայմանագրով նախատեսված այն դրամական հոսքերի ռիսկերի կամ անկայունության ենթարկվածությունը, որոնք չեն վերաբերվում հիմնական վարկային համաձայնությանը, ինչպիսիք են բաժնետոմսերի կամ ապրանքների գների ռիսկերի ենթարկվածությունը, չեն առաջացնում պայմանագրով նախատեսված դրամական հոսքեր, որոնք հանդիսանում են միայն մայր գումարի և չմարված մայր գումարի վրա հաշվարկված տոկոսների վճարումներ: Ստեղծված կամ ձեռք բերված ֆինանսական ակտիվը կարող է հանդիսանալ հիմնական վարկային համաձայնագիր, անկախ այն բանից, որ այն հանդիսանում է վարկ իր իրավական ձևով:

Ֆինանսական ակտիվների կառավարման նպատակով բիզնես մոդելների գնահատումը իրականացվում է ՖՀՄՍ 9 նախնական կիրառման ամսաթվի դրությամբ ֆինանսական ակտիվի դասակարգումը որոշելու նպատակով: Բիզնես մոդելը կիրառվում է հետադարձ հիմունքներով բոլոր այն ֆինանսական ակտիվների նկատմամբ, որոնք առկա են եղել ՖՀՄՍ 9 սկզբնական կիրառման ամսաթվի դրությամբ: Ընկերությունը որոշում է բիզնես մոդելների մակարդակ, որն արտացոլում է ֆինանսական ակտիվների խմբերի համատեղ կառավարման ձևը հատուկ բիզնես նպատակների իրականացման համար: Ընկերության բիզնես մոդելը կախված չէ առանձին գործիքի մասով ղեկավարության մտադրություններից, հետևաբար, բիզնես մոդելի գնահատումն իրականացվում է՝ հիմք ընդունելով ավելի բարձր մակարդակի համախմբման, այլ ոչ անհատապես դիտարկման սկզբունքը:

Ընկերությունն ունի մեկ բիզնես մոդել ֆինանսական գործիքների կառավարման մասով, որն արտացոլում է Ընկերության՝ իր ֆինանսական ակտիվների կառավարման մեթոդները դրամական հոսքեր ստեղծելու նպատակով: Ընկերության բիզնես մոդելները որոշում են, արդյոք դրամական միջոցները առաջանում են պայմանագրով նախատեսված դրամական միջոցների հավաքագրումից, ֆինանսական ակտիվների վաճառքից կամ այս երկու բաղադրիչների կիրառումից:

Ընկերությունը հիմք է ընդունում նաև բիզնես մոդելի գնահատման ընթացքում հասանելի համապատասխան ողջ տեղեկատվությունը: Այնուամենայնիվ, այս գնահատումը չի իրականացվում հիմք ընդունելով այն սցենարները, որոնք Ընկերությունը չի կարող կանխատեսել, այսպես կոչված «վատագույն իրավիճակ» կամ «սթրեսային իրավիճակ» սցենարները:

Ֆինանսական ակտիվների սկզբնական ճանաչման ժամանակ Ընկերությունը որոշում է՝ արդյոք նոր ճանաչված ֆինանսական ակտիվները հանդիսանում են արդեն առկա բիզնես մոդելի մաս կամ արդյոք արտացոլում են նոր բիզնես մոդելի սկիզբը:

Արժեզրկում. Ընկերությունը ճանաչում է ակնկալվող պարտքային կորուստների գծով պահուստները հետևյալ ֆինանսական գործիքների մասով, որոնք շահույթի կամ վնասի միջոցով իրական արժեքով չեն չափվում՝

- Դրամական միջոցներ և դրանց համարժեքներ;
- Առևտրային և այլ դեբիտորական պարտքեր.

Ակնկալվող պարտքային կորուստները (ԱՊԿ) պետք է չափվեն կորուստների գծով պահուստի հաշվառման միջոցով՝ ստորև նշվածների համարժեք գումարի չափով՝

✚ 12-ամսյա ԱՊԿ. ակնկալվող կորուստներ վարկի գործողության ողջ ընթացքից ակնկալվող, որոնք արդյունք են ֆինանսական գործիքի դեֆոլտային իրադարձությունների, և որոնք կարող են տեղի ունենալ հաշվետու ժամանակաշրջանին հաջորդող 12 ամիսների ընթացքում (ինչպես նշված է փուլ 1-ում), կամ

✚ Ամբողջ ժամկետում ԱՊԿ. ակնկալվող կորուստներ վարկի գործողության ողջ ընթացքում, այսինքն՝ կորուստներ, որոնք արդյունք են ֆինանսական գործիքի գործողության ընթացքում հնարավոր դեֆոլտային իրադարձությունների (ինչպես նշված է փուլ 2-ում և 3-ում):

Ամբողջ ժամկետում ակնկալվող պարտքային կորուստների գծով պահուստի հաշվառում է պահանջվում, եթե այդ ֆինանսական գործիքի պարտքային ռիսկը զգալիորեն ավելացել է սկզբնական ճանաչումից հետո: Բոլոր այլ ֆինանսական գործիքների համար ԱՊԿ-ները չափվում են 12-ամսյա ԱՊԿ-ի չափով:

Ակնկալվող պարտքային կորուստները՝ ԱՊԿ-ները, պարտքային կորուստների ներկա արժեքի՝ հավանականության վրա հիմնված հաշվարկներն են: Դրանք չափվում են Ընկերության պայմանագրային հիմունքներով վճարման ենթակա դրամական հոսքերի և այն դրամական հոսքերի տարբերության ներկա արժեքի հիման վրա, որն Ընկերությունն ակնկալում է ստանալ տարբեր տնտեսական սցենարների համեմատության արդյունքում՝ զեղչված ակտիվի արդյունավետ տոկոսադրույքի չափով:

Ֆինանսական ակտիվների փոփոխությունը և ապաճանաչումը. Ֆինանսական ակտիվների փոփոխությունները տեղի են ունենում այն ժամանակ, երբ ֆինանսական ակտիվի դրամական հոսքերը կառավարող պայմանագրային պայմանները վերանայվում են կամ այլ կերպ փոփոխվում են ֆինանսական ակտիվների սկզբնական ճանաչման և ժամկետայնության միջև: Փոփոխությունը ազդեցություն է ունենում պայմանագրով նախատեսված դրամական հոսքերի գումարի և/կամ ժամկետների վրա անմիջապես կամ ապագայում:

Ակնկալվող պարտքային կորուստների գծով պահուստների ներկայացումը ֆինանսական վիճակի մասին հաշվետվությունում. Ակնկալվող պարտքային կորուստների գծով պահուստները ներառվում են ֆինանսական վիճակի մասին հաշվետվությունում որպես ակտիվների համախառն հաշվեկշռային արժեքից նվազեցում:

Ֆինանսական պարտավորություններ

Ֆինանսական պարտավորությունները դասակարգվում են կամ որպես շահույթի կամ վնասի միջոցով իրական արժեքով չափվող կամ «այլ ֆինանսական պարտավորություններ»:

Այլ ֆինանսական պարտավորություններ. այլ ֆինանսական պարտավորությունները (այդ թվում՝ վարկերը և փոխառությունները) սկզբնապես չափվում են իրական արժեքով, առանց գործարքի ծախսերի: Այլ ֆինանսական պարտավորությունները հետագայում չափվում են ամորտիզացված արժեքով՝ օգտագործելով արդյունավետ տոկոսադրույքի մեթոդը:

Արդյունավետ տոկոսադրույքի մեթոդն իրենից ներկայացնում է որոշակի ժամանակահատվածում ֆինանսական պարտավորության ամորտիզացված արժեքի և տոկոսային ծախսի տեղաբաշխման հաշվարկի մեթոդ:

Ֆինանսական պարտավորությունների ապաճանաչում. Ընկերությունն ապաճանաչում է ֆինանսական պարտավորությունները միայն այն ժամանակ, երբ Ընկերության պարտականությունները մարվում են, չեղյալ են համարվում կամ ուժը կորցնում են: Ապաճանաչված ֆինանսական պարտավորության հաշվեկշռային արժեքի և վճարված ու վճարվելիք հատուցման տարբերությունը ճանաչվում է ֆինանսական արդյունքում:

Դրամական միջոցներ և դրանց համարժեքներ

Դրամական միջոցները և դրանց համարժեքները ներառում են բանկային հաշիվներ և բարձր իրացվելի ֆինանսական ակտիվներ, որոնց մարման ժամկետը երեք ամսից պակաս է, որոնք ենթակա են իրական արժեքի փոփոխման աննշան ռիսկի և օգտագործվում են Ընկերության կողմից կարճաժամկետ պարտավորությունների կառավարման ժամանակ: Դրամական միջոցները և դրանց համարժեքները հաշվառվում են ամորտիզացված արժեքով՝ ֆինանսական վիճակի մասին հաշվետվությունում:

Բաժնետիրական կապիտալ

Սովորական բաժնետոմսեր

Սովորական բաժնետոմսերը դասակարգվում են որպես սեփական կապիտալ: Սովորական բաժնետոմսերի և բաժնետոմսերի օպցիոնների թողարկումին անմիջականորեն վերագրվող հավելյալ ծախսերը ճանաչվում են որպես սեփական կապիտալից հանումներ՝ առանց հարկային հետևանքների:

Արտոնյալ բաժնետիրական կապիտալ

Արտոնյալ բաժնետիրական կապիտալը դասակարգվում է որպես սեփական կապիտալ, եթե այն մարման ենթակա չէ կամ մարվում է միայն Ընկերության հայեցողությամբ, և ցանկացած շահաբաժնի վճարում կատարվում է ըստ հայեցողության: Այդ շահաբաժինները ճանաչվում են որպես բաշխումներ սեփական կապիտալում Ընկերության բաժնետերերի կողմից հաստատվելուց հետո:

Արտոնյալ բաժնետիրական կապիտալը դասակարգվում է որպես պարտավորություն, եթե այն ենթակա է մարման որոշակի ամսաթվի կամ բաժնետերերի ընտրությամբ, կամ եթե շահաբաժինների վճարումները չեն կատարվում ըստ հայեցողության: Այդ շահաբաժինները ճանաչվում են շահույթում կամ վնասում որպես հաշվեկշռված տոկոսային ծախս:

Շահաբաժիններ

Շահաբաժիններ հայտարարելու և վճարելու Ընկերության կարողությունը կարգավորվում է Հայաստանի Հանրապետության օրենսդրության կանոններով և դրույթներով:

Սովորական բաժնետոմսերի շահաբաժինները ճանաչվում են որպես չբաշխված շահույթի բաշխում այն ժամանակաշրջանում, որում դրանք հայտարարվել են:

Ֆինանսական երաշխավորություն

Ֆինանսական երաշխավորության պայմանագրերով Ընկերությունից պահանջվում է կատարել որոշակի վճարումներ այն վնասների իրավաստիրոջը փոխհատուցելու համար, որը նա կրում է այն պատճառով, որ նշված պարտապանը չի կատարում վճարումը ժամանակին՝ պարտքային գործիքի պայմաններին համապատասխան:

Շուկայականից ցածր տոկոսադրույքով թողարկված ֆինանսական երաշխավորությունները սկզբնապես չափվում են իրական արժեքով: Հետագայում դրանք չափվում են ՖՀՄՍ 9-ի համաձայն որոշված վնասի գծով պահուստի և սկզբնապես ճանաչված գումարի առավելագույնով՝ նվազեցված, անհրաժեշտության դեպքում, ՖՀՄՍ 15-ի սկզբունքներին համապատասխան ճանաչված եկամտի կուտակային գումարի չափով:

Նոր և վերանայված ՖՀՄՍ ստանդարտներ, որոնք գործում են ընթացիկ տարվա համար

Ստորև ներկայացված ստանդարտները և մեկնաբանությունները գործում են Ընկերության համար 2020թ. հունվարի 1-ից:

Փոփոխություններ ՖՀՄՍ 16
ստանդարտում

COVID-19 համավարակի հետ կապված
վարձակալության գծով զիջումների
կիրառում 2021թ հունիսի 30-ից հետո

Վերոնշյալ ստանդարտները և մեկնաբանությունները վերանայվել են Ընկերության ղեկավարության կողմից, բայց նշանակալի ազդեցություն չեն ունեցել Ընկերության ֆինանսական հաշվետվությունների վրա:

Վարձակալության գծով զիջումները COVID-19 համավարակի հետ կապված, ՖՀՄՍ 16 ստանդարտի փոփոխությունների նախնական կիրառման ազդեցությունը

2020թ. մայիսին ՀՀՄՄԻ-ն թողարկեց COVID-19 համավարակի հետ կապված Վարձակալության գծով զիջումները (ՖՀՄՍ 16 ստանդարտի փոփոխություն), որը վարձակալներին տրամադրում է COVID-19-ի համավարակից ուղղակիորեն որպես հետևանք առաջացած վարձակալության զիջումների հաշվառման ազատումներ՝ նախատեսելով ՖՀՄՍ 16-ի ոչ պարտադիր գործնական բնույթի պարզեցում: Գործնական բնույթի պարզեցումը թույլ է տալիս վարձակալին որոշում ընդունել չգնահատել, թե արդյոք COVID-19-ի վարձակալության զիջումը համարվում է վարձակալության փոփոխություն: Վարձակալը, ով ընդունում է այդ որոշումը, COVID-19-ի վարձակալության գծով զիջումների արդյունքում վարձակալական վճարների ցանկացած փոփոխություն պետք է հաշվառի այնպես, ինչպես այն կհաշվառեր ՖՀՄՍ 16-ի կիրառմամբ, եթե փոփոխությունը չհամարվեր վարձակալության փոփոխում:

Գործնական բնույթի պարզեցումը կիրառվում է միայն COVID-19-ի ուղղակի հետևանք հանդիսացող վարձակալական արտոնության նկատմամբ և միայն հետևյալ բոլոր պայմանների պահպանման դեպքում.

1. Վարձակալական վճարների փոփոխությունը հանգեցնում է վարձակալության վարձատրության վերանայմանը, որն ըստ էության համընկնում է փոփոխությանը անմիջապես նախորդող վարձակալության վարձատրության հետ կամ պակաս է;
2. Վարձակալական վճարների ցանկացած նվազեցում ազդում է միայն 2021թ. հունիսի 30-ին կամ մինչև այդ թվականը վճարման ենթակա վճարների վրա (վարձակալության զիջումը համապատասխանում է այդ պայմանին, եթե այն հանգեցնում է 2021թ. հունիսի 30-ին վարձակալական վճարների նվազեցմանը կամ մինչև այդ թվականը և վարձակալական վճարների ավելացմանը, որոնք տարածվում են 2021թ. հունիսի 30-ից հետո);

3. Վարձակալության այլ պայմաններում էական փոփոխություններ տեղի չեն ունեցել:

Ընթացիկ ֆինանսական տարվա ընթացքում է ՖՀՄՍ 16 ստանդարտի փոփոխությունը (ինչպես թողարկվել է ՀՀՄՄԽ կողմից 2020թ. մայիսին) ազդեցություն չի ունեցել Ընկերության վրա:

Ազդեցությունը վարձակալության վճարների փոփոխությունների հաշվառման վրա բացառության կիրառման դեպքում

Ընկերությունը կիրառել է գործնական նպատակահարմարությունը հետընթաց կերպով բոլոր վարձավճարների գծով զիջումների նկատմամբ, որոնք համապատասխանում են ՖՀՄՍ 16:46B-ի պայմաններին, և չի վերահաշվարկել նախորդ ժամանակաշրջանի ցուցանիշները:

Հրապարակված, սակայն դեռևս չգործող նոր և վերանայված ՖՀՄՍ ստանդարտներ

Սույն ֆինանսական հաշվետվությունների հաստատման ամսաթվի դրությամբ, Ընկերությունը դեռևս չի կիրառել հետևյալ հրապարակված, սակայն դեռևս չգործող նոր և վերանայված ՖՀՄՍ-ներ:

Փոփոխություններ ՀՀՄՍ 12 ստանդարտում	Եզակի գործարքների արդյունքում առաջացող ակտիվներին և պարտավորություններին վերաբերող հետաձգված հարկ	Գործում է 2023թ. հունվարի 1-ին կամ դրանից հետո սկսվող տարեկան հաշվետու ժամանակաշրջանների համար
Փոփոխություններ ՖՀՄՍ 16 ստանդարտում	Վարձակալության գծով զիջումներ COVID-19 համավարակի հետ կապված 2021թ. հունիսի 30-ից հետո	Գործում է 2021թ. ապրիլի 1-ին կամ դրանից հետո սկսվող տարեկան հաշվետու ժամանակաշրջանների համար
Փոփոխություններ ՀՀՄՍ 1 Ստանդարտում (ՖՀՄՍ ստանդարտներում Տարեկան բարեփոխումների 2010-2012 թվականների ձևակերպման նախագծի շրջանակներում)	Պարտավորությունների դասակարգումը որպես ընթացիկ կամ ոչ ընթացիկ	Գործում է 2022թ. հունվարի 1-ին կամ դրանից հետո սկսվող տարեկան հաշվետու ժամանակաշրջանների համար
Փոփոխություններ ՀՀՄՍ 8 ստանդարտում	Հաշվապահական հաշվառման գնահատումների սահմանումը	Գործում է 2023թ. հունվարի 1-ին կամ դրանից հետո սկսվող ժամանակաշրջանների համար
Փոփոխություններ ՀՀՄՍ 1 Ստանդարտում և ՖՀՄՍ Գործունեության հայտարարության 2-րդ դրույթում	Հաշվապահական հաշվառման քաղաքականությունների բացահայտում	Գործում է 2023թ. հունվարի 1-ին կամ դրանից հետո սկսվող ժամանակաշրջանների համար
Փոփոխություններ ՖՀՄՍ 9, ՀՀՄՍ 39, ՖՀՄՍ 7, ՖՀՄՍ 4 և ՖՀՄՍ 16 ստանդարտներում	Տոկոսադրույքի ուղեկիշի բարեփոխում-Փուլ 2	Գործում է 2023թ. հունվարի 1-ին կամ դրանից հետո սկսվող ժամանակաշրջանների համար
Փոփոխություններ ՖՀՄՍ 17, ՖՀՄՍ 4 և ՀՀՄՍ 16 ստանդարտներում	Հիմնական միջոցներ՝ նախքան նախատեսված օգտագործումը ստացված մուտքերը	Գործում է 2022թ. հունվարի 1-ին կամ դրանից հետո սկսվող տարեկան հաշվետու ժամանակաշրջանների համար
Փոփոխություններ ՀՀՄՍ 37 ստանդարտում	Պահուստներ, Պայմանական պարտավորություններ և ակտիվներ, Անբարենպաստ պայմանագրեր՝ պայմանագրի կատարման արժեքը	Գործում է 2022թ. հունվարի 1-ին կամ դրանից հետո սկսվող տարեկան հաշվետու ժամանակաշրջանների համար
Փոփոխություններ ՖՀՄՍ 1, ՖՀՄՍ 9, ՀՀՄՍ 41 ստանդարտներում; և ՖՀՄՍ 16 ստանդարտի մաս կազմող ցուցադրական օրինակներում	ՖՀՄՍ 2018-2020 թվականի տարեկան բարեփոխումներ	Գործում է 2022թ. հունվարի 1-ին կամ դրանից հետո սկսվող տարեկան հաշվետու ժամանակաշրջանների համար

Ընկերության ղեկավարությունը չի ակնկալում, որ վերոնշյալ ստանդարտների որդեգրումը կարող է նշանակալի ազդեցություն ունենալ Ընկերության ֆինանսական հաշվետվությունների վրա ապագա ժամանակաշրջաններում:

4.Կարևոր հաշվապահական դատողություններ և գնահատումների հետ կապված անորոշության հիմնական աղբյուրները

Ընկերության հաշվապահական քաղաքականությունը կիրառելիս՝ Ընկերության ղեկավարությանն անհրաժեշտ է կատարել դատողություններ, գնահատումներ և ենթադրություններ այն ակտիվների և պարտավորությունների հաշվեկշռային արժեքների վերաբերյալ, որոնք այլ աղբյուրներից ակնհայտ չեն երևում: Գնահատումները և դրա հետ կապված ենթադրությունները հիմնված են նախկին փորձի և այլ համապատասխան գործոնների վրա: Փաստացի արդյունքները կարող են տարբերվել այդ գնահատումներից:

Գնահատումները և ենթադրությունները շարունակաբար վերանայվում են: Հաշվապահական գնահատումներում փոփոխությունները ճանաչվում են այն ժամանակաշրջանում, երբ փոփոխությունը տեղի է ունենում, եթե փոփոխությունը վերաբերում է միայն այդ ժամանակաշրջանին, կամ փոփոխությունը ճանաչվում է այդ և ապագա ժամանակաշրջաններում, եթե փոփոխությունն ազդում է ընթացիկ և ապագա ժամանակաշրջանների վրա:

Կարևոր դատողություններ ընկերության հաշվապահական հաշվառման քաղաքականության կիրառման ժամանակ

Ստորև ներկայացվում են այն կարևոր դատողությունները, բացառությամբ գնահատականներին վերաբերող դատողություններից (որոնք ստորև ներկայացված են առանձին), որոնք կատարվել են ղեկավարության կողմից Ընկերության հաշվապահական հաշվառման քաղաքականության կիրառման գործընթացում և որոնք առավել նշանակալի ազդեցություն ունեն ֆինանսական հաշվետվություններում ճանաչված գումարների վրա:

Գործառնական արժույթ

Գործառնական արժույթը այն տնտեսական միջավայրի արժույթն է, որտեղ գործում է Ընկերությունը, և որտեղ նա հիմնականում ստեղծում և ծախսում է դրամական միջոցներ: Ընկերությունը վերլուծել է ՀՀՄՍ 21-ում ներառվող որոշ գործոններ համապատասխան գործառնական արժույթը որոշելու համար: Ղեկավարությունը եզրահանգել է, որ ռուբլին հանդիսանում է Ընկերության գործառնական արժույթը՝ հիմք ընդունելով հետևյալ գործոնները՝

- ✚ Բոլոր վաճառքներն արտահայտված են ռուբլիով և արտահանվում են Ռուսաստանի Դաշնություն, հասույթը առաջանում է Ռուսաստանի Դաշնությունում,
- ✚ Գործառնական ծախսերը հիմնականում բաղկացած են պաշարների գծով ծախսերից, և այդ պաշարների մեծ մասը ձեռք է բերվել Ռուսաստանում գործող մայր ընկերության հետ կապակցված երրորդ կողմերից
- ✚ Բեռափոխադրման վճարը վճարվում է ռուբլիով
- ✚ Ռուբլով վարկային գծի պայմանագիր է կնքվել ռուսական խոշոր բանկի հետ՝ ընթացիկ ռուբլու ծախսումները հոգալու համար: Այլ փոխառություններ ստացվում են կապակցված կողմերից եվրոյով՝ արտասահմանից ապրանքների գնումներին համապատասխանելու համար: Ընկերությունը ՀՀ դրամով փոխառությունների էական մնացորդներ չունի:

Գնահատման անորոշության հիմնական աղբյուրները

Ապագայի հետ կապված հիմնական ենթադրությունները և հաշվետու ժամանակաշրջանում գնահատման անորոշության այլ հիմնական աղբյուրները, որոնք կարող են ունենալ հաջորդ ֆինանսական տարվա ընթացքում ակտիվների և պարտավորությունների հաշվեկշռային արժեքների էական ճշգրտումներ առաջացնելու նշանակալի ռիսկ, քննարկվում են ստորև:

Ակնկալվող պարտքային կորուստներ

Ընկերությունը հաշվեգրում է պահուստներ դեբիտորական պարտքերի գծով ակնկալվող պարտքային կորուստների համար՝ հնարավոր կորուստները հատուցելու նպատակով, եթե հաճախորդը չկարողանա կատարել անհրաժեշտ վճարումները:

Ընկերությունը դուրս է գրում դեբիտորական պարտքերը որպես չվերադարձվող կոնտրագենտ-պարտապանի լուծարման կամ նրա ֆինանսական վիճակի էական վատթարացման մասին տեղեկությունների դեպքում: Ընկերությունը չի իրականացնում վճարման ենթակա միջոցների հարկադիր հավաքագրման գործընթացեր: Տես ֆինանսական ակտիվների համապատասխան ծանոթագրությունները:

5. Հասույթ

	2021թ.	2020թ.
Ապրանքների վաճառքից մուտքեր	39,762,872	9,911,671
	39,762,872	9,911,671

6. Տոկոսային ծախս

	2021թ.	2020թ.
Չապահովված փոխառություն մայր ընկերությունից	141,169	60,514
Ապահովված բանկային վարկեր	306,464	7,684
	447,633	68,198

7. Շահութահարկի գծով ծախս

Շահույթում կամ վնասում հանաչված շահութահարկ

	2021թ.	2020թ.
Ընթացիկ շահութահարկ	349,331	114,067
Հետաձգված հարկի գծով օգուտ	(44,619)	(22,290)
Տարվա շահութահարկի գծով ծախս	304,712	91,777

Տարվա շահութահարկի գծով ծախսի և հաշվապահական եկամուտի միջև համադրումը հետևյալն է՝

	2021թ.	2020թ.
Շահույթ/(վնաս) նախքան հարկումը	12,739,782	4,191,223
Շահութահարկի գծով ծախս	254,796 2.00%	83,824 2.00%
Արտարժույթային փոխարկումից վնասի տարբերություն	(15,865) (0.12%)	(7,783) (0.19%)
Չնվազեցվող տարբերությունների ազդեցությունը	65,781 0.51%	15,736 0.38%
Տարվա շահութահարկի գծով ծախս	304,712 2.39%	91,777 2.19%

2020 և 2021 թվականներին կորպորատիվ շահութահարկի կիրառվող դրույքաչափը կազմել է 2%: Ընկերությանը տրվող հարկային արտոնությունների մանրամասները ներկայացված են Ծան.1-ում:

Հետաձգված հարկային ակտիվներ

Հետաձգված հարկային ակտիվներ (պարտավորություններ)	2021թ. հունվարի 1	Ստեղծված և հակադարձված տարվա ընթացքում	Արտարժույթի փոխարկման տարբերում- թյուններ	2021թ. դեկտեմբերի 31
Հետաձգված շահութահարկի գծով ակտիվներ				
Այլ պարտավորություններ	345	(313)	-	32
Պաշարներ	23,265	44,932	(2,148)	66,049
Զուտ հետաձգված հարկային ակտիվներ	23,610	44,619	(2,148)	66,081

Հետաձգված հարկային ակտիվներ (պարտավորություններ) Հետաձգված շահույթահարկի գծով ակտիվներ	Ստեղծված և հակադարձված տարվա ընթացքում		Արտարժույթի փոխարկման տարբերում- ություններ	2020թ. դեկտեմբերի 31
	2020թ. հունվարի 1			
Այլ պարտավորություններ	345	-	-	345
Երկարաժամկետ վարկեր և փոխառություններ	-	22,290	975	23,265
Զուտ հետաձգված հարկային ակտիվներ	345	22,290	975	23,610

8. Պաշարներ

	2021թ. դեկտեմբերի 31	2020թ. դեկտեմբերի 31
Բեռանափոխադրման մեջ գտնվող ապրանքներ	14,899,822	8,194,009
Արժեզրկման գծով պահուստ	(3,302,445)	(1,163,237)
	11,597,377	7,030,772
Տեղափոխվող ապրանքներ	1,195	4,696
	11,598,572	7,035,468

2021 թ. դեկտեմբերի 31-ի դրությամբ Ընկերության 100,000 հազար ռուբլի հաշվեկշռային արժեքով պաշարները գրավադրված են բանկում ստացված փոխառությունների դիմաց (2020թ. դեկտեմբերի 31՝ 100,000 հազար ռուբլի): Տես ծան. 12:

Պաշարների գծով ճանաչված արժեզրկումից կորուստները կազմել են 3,146,275 հազար դրամ, առանց 156,170 հազար դրամի արտարժույթի փոխարկումից օգուտի:

9. Առևտրային և այլ դեբիտորական պարտքեր

	2021թ. դեկտեմբերի 31	2020թ. դեկտեմբերի 31
Առևտրային դեբիտորական պարտք	2,832,972	2,325,913
Քեշ փուլինգի գծով դեբիտորական պարտք	11,615	11,615
Ընդամենը ֆինանսական ակտիվներ	2,844,587	2,337,528
Տրված կանխավճարներ	7,514,296	1,349,546
Հարկային կանխավճարներ	64,843	207,972
	10,423,726	3,895,046

2,832,972 հազար դրամի առևտրային դեբիտորական պարտքերը ներկայացված են առանց 3,146,275 հազար դրամի ակնկալվող պարտքային կորուստների գծով պահուստի, շահույթում կամ վնասում ճանաչված: Առևտրային դեբիտորական պարտքերը մեկ կոնտրագենտից են: Տես ծան. 15:

Քեշ փուլինգի գծով դեբիտորական պարտքը ներկայացնում է բաժնետերերից մեկի կողմից ստացման ենթակա (Արմհոնդինգ ՓԲԸ) մնացորդը, որը հիմնված է քեշ փուլինգի համաձայնագրի պայմանների վրա և համահունչ է Ընկերության ֆինանսական և դրամական միջոցների կառավարման քաղաքականությանը: Քեշ փուլինգի գծով մնացորդը ցպահանջ է, ոչ տոկոսակիր է և արտահայտված է ՀՀ դրամով:

10.Դրամական միջոցներ և դրանց համարժեքներ

	2021թ. դեկտեմբերի 31	2020թ. դեկտեմբերի 31
Ընթացիկ հաշիվ հայկական խոշոր բանկերում	106,924	413,182
Ընթացիկ հաշիվ ռուսաստանյան խոշոր բանկում	53,415	335,699
Կանխիկ դրամ	2	2
	160,341	748,883

Դրամական միջոցները և դրանց համարժեքները արտահայտված են ՀՀ դրամով, եվրոյով, ռուբլիով և ԱՄՆ դոլարով: Մնացորդներից ոչ մեկը ժամկետանց կամ արժեզրկված չէ:

2021 թ. դեկտեմբերի 31-ի դրությամբ Ընկերությունը որևէ բաժնեմասնակցություն չի ունեցել մեկ ֆինանսական հաստատությունում, որի մնացորդը գերազանցել է սեփական կապիտալի 10%-ը (2020թ. դեկտեմբերի 31 - զրո):

11.Թողարկված կապիտալ

	2021. դեկտեմբերի 31	2020թ. դեկտեմբերի 31
Սովորական բաժնետոմսեր	84,617	84,617
Արտոնյալ բաժնետոմսեր	19,039	19,039
	103,655	103,655

2021 թ. դեկտեմբերի 31-ի դրությամբ Ընկերության գրանցված և վճարված բաժնետիրական կապիտալը կազմել է 103,655 հազար ՀՀ դրամ (2020թ. դեկտեմբերի 31 - 103,655 հազար ՀՀ դրամ)՝ ներկայացված 84,617 հազար սովորական բաժնետոմսերով (2020 թ. դեկտեմբերի 31-ը՝ 84,617 հազար ՀՀ դրամ), 19,039 հազար արտոնյալ բաժնետոմսերով (2020թ. դեկտեմբերի 31՝ 19,039 հազար), յուրաքանչյուրը 1 դրամով (2020թ.՝ 1 դրամ):

Սովորական բաժնետոմսերի սեփականատերերն իրավունք ունեն ստանալ հայտարարված շահաբաժիններ և մեկ բաժնետոմսի դիմաց մեկ ձայնի իրավունք: Ընկերության բաժնետիրական կապիտալը ներդրվել է մասնակիցների կողմից ՀՀ դրամով և նրանք իրավունք ունեն շահաբաժինների և ցանկացած կապիտալի բաշխման հայկական դրամով: 2021 թվականին հայտարարվել է 4,969,006 հազար դրամի շահաբաժին, որից վճարվել է 141,201 հազար դրամ, չվճարված մասը կազմել է 4,827,805 հազար դրամ: (2020 թ.՝ շահաբաժիններ չեն հայտարարվել և վճարվել):

Արտոնյալ բաժնետոմսերի սեփականատերերը փոխակերպման կամ մարման իրավունք չունեն: Ընկերության կանոնադրության համաձայն՝ իրավունք ունեն տարեկան շահաբաժին ստանալ՝ 0,01 ՀՀ դրամ մեկ բաժնետոմսի համար (ֆիքսված բաղադրիչ)՝ գումարած շահաբաժին՝ տարեկան շահույթի մինչև 25%-ի չափով (փոփոխական բաղադրիչ): Փոփոխական շահաբաժինների տոկոսը որոշվում է բաժնետերերի ժողովի ժամանակ:

Լուծարման դեպքում արտոնյալ բաժնետերերը նախ ստանում են հայտարարված չվճարված շահաբաժիններ և արտոնյալ բաժնետոմսերի անվանական արժեքը: Այնուհետև բոլոր բաժնետերերը՝ սովորական և արտոնյալ, հավասարապես մասնակցում են մնացած ակտիվների բաշխմանը:

12.Վարկեր և փոխառություններ

	2021թ. դեկտեմբերի 31	2020թ. դեկտեմբերի 31
Չապահովված փոխառություն Ընկերության մայր ընկերության կողմից (i) – երկարաժամկետ	214,469	2,913,984
Չապահովված այլ փոխառություն	3,381	
Ապահովված վարկ բանկից (ii) – կարճաժամկետ	4,405,913	1,762,834
	4,623,763	4,676,818

- (i) Չապահովված փոխառությունները եվրոյով արտահայտված, 0,35% տոկոսադրույքով փոխառություններ են՝ ստացված Ընկերության մայր ընկերության կողմից, որի մարման ժամկետն է 2023 թվականի դեկտեմբերը: Օգտագործելով տարեկան 6.5% համարժեք

վարկի համար գերիշխող շուկայական տոկոսադրույքները՝ վարկի իրական արժեքը սկզբնական ճանաչման ժամանակ գնահատվել է 2,530,331 հազար ՀՀ դրամ: 2021թվականի համախառն մուտքերի և իրական արժեքի միջև 150,291 հազար ՀՀ դրամի տարբերությունը ճանաչվում է որպես լրացուցիչ վճարված կապիտալ (2020թ.՝ 501,846 հազար դրամ):

- (ii) Ռուսաստանի ոչ ռեզիդենտ բանկի կողմից ստացվել է տոկոսակիր վարկ՝ 500,000 հազար ռուբլի ընդհանուր վերականգնվող վարկային գծի համաձայնագրով, որի մարման ժամկետն է 2023 թվականը: 2020 թ. դեկտեմբերի 31-ի դրությամբ տրամադրված վարկային գծի տրանշների մարման ժամկետն է 2021 թվականի մայիսը և ունեն են 3% լողացող տոկոսադրույք գումարած վերաֆինանսավորման տոկոսադրույքը, որը հրապարակվում է Ռուսաստանի բանկի կողմից, որը սահմանվում է տոկոսների որոշման յուրաքանչյուր ժամանակահատվածի համար (յուրաքանչյուր ամիս) ժամանակաշրջանի սկզբում: Վարկը ապահովված է Ընկերության գույքի գրավադրմամբ (Ծան. 8):

Ստորև աղյուսակում ներկայացվում են Ընկերության ֆինանսական գործունեությունից առաջացած պարտավորությունների փոփոխությունները, ներառյալ դրամական և ոչ դրամական փոփոխությունները: Ֆինանսական գործունեությունից առաջացած պարտավորություններն այն պարտավորություններն են, որոնց համար դրամական միջոցների հոսքերը կամ ապագա դրամական հոսքերը դասակարգվել են կամ դասակարգելու են Խմբի դրամական միջոցների հոսքերի մասին հաշվետվությունում որպես ֆինանսական գործունեությունից դրամական միջոցների հոսքեր: Վճարված տոկոսային ծախսերը դասակարգվել են որպես ֆինանսական գործունեություն դրամական միջոցների հոսքերի հաշվետվությունում:

	Վարկեր և փոխառություններ
2020թ. հունվարի 1	-
Մուտքեր փոխառություններից	4,724,532
Տոկոսային վճարներ	(4,913)
Ոչ դրամական շարժեր	
Լրացուցիչ վճարված կապիտալի ճանաչում	(501,846)
Տոկոսային ծախս	68,198
Արտարժույթի վերագնահատումից օգուտ/վնաս շահույթում կամ վնասում	46,440
Արտարժույթի փոխարկման պահուստ սեփական կապիտալում	344,407
2020թ. դեկտեմբերի 31	4,676,818
Չուտ մուտքեր փոխառություններից	131,264
Տոկոսային վճարներ	(278,318)
Ոչ դրամական շարժեր	-
Լրացուցիչ վճարված կապիտալի ճանաչում	351,555
Տոկոսային ծախս	447,633
Արտարժույթի վերագնահատումից օգուտ/վնաս շահույթում կամ վնասում	(705,189)
Արտարժույթի փոխարկման պահուստ սեփական կապիտալում	-
2021թ. դեկտեմբերի 31	4,623,763

13.Առևտրային և այլ կրեդիտորական պարտք

	2021թ. դեկտեմբերի 31	2020թ. դեկտեմբերի 31
Առևտրային կրեդիտորական պարտք	491,685	1,896,544
Քեշ փուլինգի գծով կրեդիտորական պարտք	-	37,070
Ֆինանսական պարտավորություններ	491,685	1,933,614
Վճարման ենթակա հարկեր, բացի շահութահարկից	29,766	1,837
Վճարման ենթակա շահաբաժիններ	4,827,805	
	5,349,256	1,935,451

Քեշ փուլինգի գծով կրեդիտորական պարտքը հանդիսանում է Ընկերության մայր ընկերության հետ կապված կողմին վճարման ենթակա մնացորդը՝ հիմնվելով քեշ փուլինգ համաձայնագրի պայմանների վրա և համահունչ է Ընկերությունում կիրառվող ֆինանսական և դրամական միջոցների կառավարման քաղաքականությանը: Քեշ փուլինգի գծով մնացորդը ցայահանջ է, ոչ տոկոսակիր և արտահայտված է ՀՀ դրամով:

14.Ֆինանսական գործիքներ

Կապիտալի կառավարում

Ընկերությունը կառավարում է իր կապիտալն՝ ապահովելու գործունեության անընդհատության սկզբունքը, միևնույն ժամանակ առավելագույնի հասցնելով շահագրգիռ կողմերի հատույցը պարտքի և սեփական միջոցների հավասարակշռության օպտիմալացման ճանապարհով:

Ընկերության կապիտալի կառուցվածքը բաղկացած է զուտ պարտքից (վարկեր և փոխառություններ, ինչպես մանրամասն նկարագրված է ծան. 12-ում, հաշվանցված դրամական միջոցներով և դրանց համարժեքներով) և սեփական կապիտալից (բաղկացած է թողարկված կապիտալից, պահուստներից):

Ընկերությունը ենթակա չէ կապիտալի գծով որևէ արտաքին կողմի սահմանափակումների:

Ընկերության ղեկավարությունը գնահատում է Ընկերության կապիտալին ներկայացված պահանջները՝ պահպանելու ֆինանսական արդյունավետ կառուցվածք՝ միևնույն ժամանակ խուսափելով ավելորդ ֆինանսական լծակներից: Ընկերությունը կառավարում է կապիտալի կառուցվածքը և կատարում կարգավորումներ՝ ելնելով տնտեսական պայմանների փոփոխություններից և համապատասխան ակտիվների ռիսկային բնութագրերից: Կապիտալի կառուցվածքի պահպանման կամ ճշգրտման նպատակով Ընկերությունը կարող է ճշգրտել բաժնետերերին տրվող շահաբաժինների քանակը, վերադաձնել կապիտալը բաժնետերերին, թողարկել նոր բաժնետոմսեր կամ վաճառել ակտիվները պարտքի նվազեցման նպատակով:

Ընկերության սեփական կապիտալի և փոխառու միջոցների միջև հարաբերակցությունը հաշվետու ժամանակաշրջանի վերջի դրությամբ հետևյալն է՝

	2021թ. դեկտեմբերի 31
Պարտք (i)	4,623,763
Կանխիկ և բանկային մնացորդներ	(160,341)
Զուտ պարտք	4,463,422
Սեփական կապիտալ (ii)	12,050,362

- (i) Պարտքը սահմանվում է որպես երկարաժամկետ և կարճաժամկետ վարկեր և փոխառություններ (բացառությամբ ֆինանսական երաշխավորության պայմանագրերը), ինչպես նկարագրված է ծան.12-ում:
- (ii) Սեփական կապիտալը ներառում է Ընկերության բաժնետիրական կապիտալը և պահուստները, որոնք կառավարվում են որպես կապիտալ:

	2021թ. դեկտեմբերի 31	2020թ. դեկտեմբերի 31
Ֆինանսական ակտիվներ		
Առևտրային դեբիտորական պարտք	2,844,587	2,337,528
Դրամական միջոցներ և դրանց համարժեքներ	160,341	748,883
	3,004,928	3,086,411
Ֆինանսական պարտավորություններ		
Վարկեր և փոխառություններ	(4,623,763)	(4,676,818)
Առևտրային կրեդիտորական պարտք	(491,685)	(1,933,614)
	(5,115,448)	(6,610,432)

Ֆինանսական ռիսկերի կառավարման նպատակները

Ընկերությունը ենթակա է ֆինանսական գործիքների հետ կապված բազմաթիվ ռիսկերի: Ֆինանսական ռիսկերի հիմնական տեսակներն են՝ շուկայական, պարտքային և իրացվելության ռիսկերը և ոչ ֆինանսական ռիսկերի տեսակներ են՝ տեխնոլոգիական, գործառնական, իրավական և հեղինակության հետ կապված ռիսկեր: Այս ռիսկերի բացահայտումը և կառավարումը էական նշանակություն ունեն Ընկերության հաջողության և ֆինանսական կայունության համար: Այս ծանոթագրությունը տրամադրում է տեղեկատվություն վերոնշյալ ռիսկերից յուրաքանչյուրին Ընկերության ենթարկվածության վերաբերյալ, ռիսկի չափման և

կառավարման Ընկերության նպատակների, քաղաքականության և գործընթացների վերաբերյալ:

Շուկայական ռիսկ

Շուկայական ռիսկն այն ռիսկն է, որ շուկայում գործող գների փոփոխությունները, ինչպիսիք են տոկոսադրույքի ռիսկը, արժեթղթերի արժեքի, արտարժույթի փոխարժեքի և վարկային սպրեդերի փոփոխությունները կազդեն Ընկերության եկամուտների կամ ֆինանսական գործիքների իրական արժեքի վրա: Շուկայական ռիսկի կառավարման նպատակը ռիսկի այնպիսի կառավարումն ու վերահսկումն է, որը թույլ կտա պահպանել ռիսկին ենթարկվածության աստիճանն ընդունելի սահմաններում՝ միաժամանակ ապահովելով եկամտաբերության օպտիմալացումը:

Արտարժույթի ռիսկի կառավարում

Ընկերությունը արտարժույթով գործարքներ է կատարում, ուստի ենթակա է արտարժույթի փոխարժեքի տատանումներին:

Ընկերության՝ արտարժույթով արտահայտված դրամական ակտիվների և պարտավորությունների հաշվեկշռային արժեքները հաշվետու ժամանակաշրջանի վերջում հետևյալն են՝

2021թ. դեկտեմբերի 31					
	ՀՀ դրամ	ԱՄՆ դոլար	Եվրո	Ռուբլի	Ընդամենը
Ոչ ածանցյալ ֆինանսական ակտիվներ					
Դրամական միջոցներ և դրանց համարժեքներ	102,828	9,143	7,586	40,784	160,341
Առևտրային դեբիտորական պարտք	11,615	-	2,832,972	-	2,844,587
	114,443	9,143	2,840,558	40,784	3,004,928
Ոչ ածանցյալ ֆինանսական պարտավորություններ					
Վարկեր և փոխառություններ	-	-	(214,469)	(4,409,294)	(4,623,763)
Առևտրային կրեդիտորական պարտք	(34,295)	-	(405,966)	(51,424)	(491,685)
	(34,295)	-	(620,435)	(4,460,718)	(5,115,448)
Զուտ մնացորդ	80,148	9,143	2,220,123	(4,419,934)	(2,110,520)
Տրամադրված ֆինանսական երաշխիքներ	-	-	-	-	-

2020թ. դեկտեմբերի 31					
	ՀՀ դրամ	ԱՄՆ դոլար	Եվրո	Ռուբլի	Ընդամենը
Ոչ ածանցյալ ֆինանսական ակտիվներ					
Դրամական միջոցներ և դրանց համարժեքներ	55,328	2,016	357,257	334,282	748,883
Առևտրային դեբիտորական պարտք	11,615	-	-	2,325,913	2,337,528
	66,943	2,016	357,257	2,660,195	3,086,411
Ոչ ածանցյալ ֆինանսական պարտավորություններ					
Վարկեր և փոխառություններ	-	-	(2,913,984)	(1,762,834)	(4,676,818)
Առևտրային կրեդիտորական պարտք	(37,373)	(458,425)	(1,437,816)	-	(1,933,614)
	(37,373)	(458,425)	(4,351,800)	(1,762,834)	(6,610,432)
Զուտ մնացորդ	29,570	(456,409)	(3,994,543)	897,361	(3,524,021)
Տրամադրված ֆինանսական երաշխիքներ	-	-	-	26,112,520	26,112,520

Ընկերության գործարքները հիմնականում կատարվում են ՀՀ դրամով, ԱՄՆ դոլարով և եվրոյով:

Ստորև բերված աղյուսակը ներկայացնում է Ընկերության զգայունությունը ռուբլիի՝ արտարժույթի փոխարժեքի 10% աճի կամ նվազման հանդեպ: Տվյալ 10%-ն իրենից ներկայացնում է այն զգայունության տոկոսը, որն օգտագործվում է արտարժույթային ռիսկը հիմնական ղեկավար անձնակազմին ներկայացնելիս և արտարժույթի փոխարժեքի ողջամտորեն հնարավոր փոփոխությունն է՝ ըստ ղեկավարության գնահատականի: Չզայունության վերլուծությունը ներառում է միայն վճարման ենթակա արտարժույթով գնանշված դրամական միավորները և ճշգրտում դրանց փոխարկումը ժամանակաշրջանի վերջի դրությամբ՝ արտարժույթի փոխարժեքների 10% փոփոխության տեսանկյունից: Ստորև նշված բացասական թիվը նշանակում է շահույթի կամ կապիտալի տարրի նվազում այն դեպքերում, երբ ռուբլին արժևորվում է համապատասխան արժույթի նկատմամբ 10%-ի չափով: Երբ ռուբլին արժեզրկվում է արտարժույթի նկատմամբ 10%-ի չափով, այն համեմատական բացասական ազդեցություն է ունենում շահույթի կամ կապիտալի վրա:

Ազդեցությունը շահույթի կամ վնասի և սեփական կապիտալի վրա	2021թ. դեկտեմբերի 31		2020թ. դեկտեմբերի 31	
	+10%	-10%	+10%	-10%
	արժևորում	արժեզրկում	արժևորում	արժեզրկում
Զուտ մնացորդների ազդեցությունը ՀՀ դրամի վրա	(8,015)	8,015	(2,957)	2,957
Զուտ մնացորդների ազդեցությունը եվրոյի վրա	(222,012)	222,012	399,434	(399,454)
Զուտ մնացորդների ազդեցությունը ԱՄՆ դոլարի վրա	(914)	914	45,641	(45,641)
Զուտ մնացորդների ազդեցությունը ՌԴ ռուբլու վրա	441,993	(441,993)	(89,736)	89,736

Տոկոսադրույքի ռիսկ

Ընկերությունը ենթարկվում է տոկոսադրույքի ռիսկի՝ ապահովված բանկային վարկերի առումով, որոնք ունեն 3% լողացող տոկոսադրույք՝ գումարած Ռուսաստանի Բանկի կողմից հրապարակված վերաֆինանսավորման տոկոսադրույքը:

	2021թ. դեկտեմբերի 31	2021թ. դեկտեմբերի 31
Ապահովված բանկային վարկեր	4,405,913	1,762,834

2020 թվականի նոյեմբերի 19-ին Ընկերությունը նույն վարկատու բանկի հետ կնքել է վեցամյա տոկոսադրույքի (բանկային վարկի տևողություն) սկսած պայմանագիր: Համաձայնագրի պայմանների համաձայն՝ Ընկերությունը պարտավորվում է վճարել բանկային տոկոսագումարները, որոնք հաշվարկվել են ֆիքսված տոկոսադրույքի հիման վրա՝ 7,95%՝ Ռուսաստանի բանկի կողմից սահմանված վերաֆինանսավորման տոկոսադրույքի 3% լողացող տոկոսադրույքով հաշվարկված տոկոսավճարներ ստանալու դիմաց:

Պարտքային ռիսկի կառավարում

Պարտքային ռիսկ նշանակում է այն ռիսկը, երբ պայմանագրային կողմը չի կատարում իր պայմանագրային պարտավորությունները, ինչի արդյունքում Ընկերությունը ֆինանսական կորուստներ է կրում: 2021 և 2020թթ. դեկտեմբերի 31-ի դրությամբ Ընկերության առավելագույն պարտքային ռիսկը հավասար է այդ ամսաթվի դրությամբ նրա ֆինանսական ակտիվների հաշվեկշռային արժեքներին: Ֆինանսական ակտիվները, որոնք Ընկերությանը պոտենցիալ ենթարկվում են պարտքային ռիսկի, հիմնականում բաղկացած են քեշ փուլինգի գծով դերիտորական

պարտքերից, առևտրային և այլ դեբիտորական պարտքերից և դրամական միջոցներից և դրանց համարժեքներից:

Առևտրային դեբիտորական պարտքերը բաղկացած են մեկ հաճախորդից, որը ապրանքը վաճառում է բեռնափոխադրման պայմանագրով: Ընկերությունն ունի նշանակալի պարտքային ռիսկ այս մեկ կոնտրագենտի նկատմամբ: Բոլոր առևտրային դեբիտորական պարտքերը Ռուսաստանից են:

Ընկերությունը չունի որևէ գրավ կամ պարտքի ապահովվողական այլ միջոցներ՝ իր ֆինանսական ակտիվների հետ կապված պարտքային ռիսկերը բարելավելու համար:

	2021թ. դեկտեմբերի 31	2020թ. դեկտեմբերի 31
Ֆինանսական ակտիվներ՝ հաշվեկշռային արժեքով		
Առևտրային դեբիտորական պարտք	2,844,587	2,337,528
Դրամական միջոցներ և դրանց համարժեքներ	160,341	748,883
	3,004,928	3,086,411

Իրացվելիության ռիսկի կառավարում

Իրացվելիության ռիսկն այն ռիսկն է, որ Ընկերությունը կունենա դժվարություններ իր ֆինանսական պարտավորությունները կատարելիս:

Ընկերությունը կառավարում է իրացվելիության ռիսկը՝ պահպանելով համապատասխան պահուստներ, բանկային և պահուստային փոխառության միջոցներ՝ շարունակաբար վերահսկելով կանխատեսված և փաստացի դրամական միջոցների հոսքերը և համապատասխանեցնելով ֆինանսական ակտիվների և պարտավորությունների մարման ժամկետները:

Ստորև բերված աղյուսակում ներկայացված է 2021թ. դեկտեմբերի 31-ի դրությամբ ֆինանսական վիճակի մասին հաշվետվությունում արտացոլված գումարների վերլուծությունը՝ ըստ ակնկալվող մարման ժամկետների: Ըստ ղեկավարության գնահատումների, որոշակի ֆինանսական ակտիվների գծով ակնկալվող դրամական հոսքերը տարբերվելու են դրանց պայմանագրով նախատեսված պայմաններից, ելնելով նրանից, որ ղեկավարությունը կարող է իր հայեցողությամբ տնօրինել դրամական հոսքերը, կամ նախորդ փորձը ցույց է տալիս, որ դրամական հոսքերը կարող են տարբերվել պայմանագրով նախատեսված պայմաններից: Ղեկավարությունը տնօրինում է արժեթղթերի պորտֆել, որն իրացվելի է և կարող է օգտագործվել ֆինանսական պարտավորությունների մարման արտահոսքերն ապահովելու համար: Ղեկավարության գնահատմամբ, չգեղչված դրամական հոսքերը ֆինանսական պարտավորությունների դեպքում մոտ են ստորև աղյուսակում ներկայացված տեղեկատվությանը և առանձին չեն ներկայացվում:

	2021թ. դեկտեմբերի 31			
	Ցպահանջ և մինչև 1 ամիս	3-12 ամիս	1-5 տարի	Ընդամենը
Ոչ ածանցյալ ֆինանսական ակտիվներ				
Դրամական միջոցներ և դրանց համարժեքներ	160,341	-	-	160,341
Առևտրային դեբիտորական պարտք	-	2,844,587	-	2,844,587
Ընդամենը ոչ ածանցյալ ֆինանսական ակտիվներ	160,341	2,844,587	-	3,004,928
Ոչ ածանցյալ ֆինանսական պարտավորություններ				
Վարկեր և փոխառություններ	-	(1,025,000)	(3,598,763)	(4,623,763)
Առևտրային կրեդիտորական պարտք	-	(491,685)	-	(491,685)
Ընդամենը ոչ ածանցյալ ֆինանսական պարտավորություններ	-	(1,516,685)	(3,598,763)	(5,115,448)
Զուտ դիրք	160,341	1,327,902	(3,598,763)	(2,110,520)
Տրամադրված ֆինանսական երաշխավորություն	-	-	-	-

Ստորև բերված աղյուսակում ներկայացված է 2020թ. դեկտեմբերի 31-ի դրությամբ ֆինանսական վիճակի մասին հաշվետվությունում արտացոլված գումարների վերլուծությունը՝ ըստ ակնկալվող մարման ժամկետների:

	2020թ. դեկտեմբերի 31			
	Ցպահանջ և մինչև 1 ամիս	3-12 ամիս	1-5 տարի	Ընդամենը
Ոչ ածանցյալ ֆինանսական ակտիվներ				
Դրամական միջոցներ և դրանց համարժեքներ	748,883	-	-	748,883
Առևտրային դեբիտորական պարտք	-	2,337,528	-	2,337,528
Ընդամենը ոչ ածանցյալ ֆինանսական ակտիվներ	748,883	2,337,528	-	3,086,411
Ոչ ածանցյալ ֆինանսական պարտավորություններ				
Վարկեր և փոխառություններ	-	(1,767,018)	(2,909,800)	(4,676,818)
Առևտրային կրեդիտորական պարտք	(37,070)	(1,896,544)	-	(1,933,614)
Ընդամենը ոչ ածանցյալ ֆինանսական պարտավորություններ	(37,070)	(3,663,562)	(2,909,800)	(6,610,432)
Զուտ դիրք	711,813	(1,326,034)	(2,909,800)	(3,524,021)
Տրամադրված ֆինանսական երաշխավորություն	-	-	26,112,520	26,112,520

Շարունակական հիմունքներով իրական արժեքով չափվող ֆինանսական ակտիվների և պարտավորությունների իրական արժեքը (սակայն իրական արժեքի բացահայտում անհրաժեշտ է). հաշվի առնելով մի շարք ֆինանսական ակտիվների և պարտավորությունների կարճաժամկետ բնույթը՝ ղեկավարությունը կարծում է, որ դրանց հաշվեկշռային արժեքները մոտ են դրանց իրական արժեքին:

15.Գործարքներ փոխկապակցված կողմերի հետ

Վերահսկողության հարաբերություններ

Ընկերության բաժնետերերն են Gemford Holdings Limited-ը, որին պատկանում է սովորական բաժնետոմսերի 98%-ը և Արմհոլդինգ ՓԲԸ-ն, որին պատկանում է սովորական բաժնետոմսերի 2%-ը:

Ընկերության փոխկապակցված կողմեր են հանդիսանում նրա բաժնետերերը, բաժնետերերի հետ կապակցված կազմակերպությունները և առանցքային ղեկավար անձնակազմը:

Ընկերության անմիջական մայր ընկերությունն է Gemford Holdings Limited-ը: Ոչ անմիջական մայր ընկերությունը, ոչ էլ որևէ այլ ավագ մայր ընկերություն չեն պատրաստում հանրությանը հասանելի ֆինանսական հաշվետվություններ: Ընկերության վերջնական վերահսկող կողմ է հանդիսանում Ալեքսանդր Գոլովինը:

Ընկերության և նրա կապակցված կողմերի միջև գործարքների մանրամասները ներկայացված են ստորև:

Առևտրային գործարքներ

Տարվա ընթացքում Ընկերությունը կապակցված կողմերի հետ իրականացրել է հետևյալ առևտրային գործարքները՝

	Գործարքի գին		Զմարված մնացորդներ (ակտիվներ/ (պարտավորություններ))	
	2021թ.	2020թ.	2021թ.	2020թ.
Հասույթ				
- Բաժնետերերին կապակցված կազմակերպություններ	35,079,344	9,911,67	2,325,913	2,337,528
Պաշարների ձեռքբերում				
- Բաժնետերերի խմբին կապակցված կազմակերպություններ	19,032,185	11,360,480	(252,352)	(1,896,240)
- Բաժնետերերի խմբին կապակցված կազմակերպություններ	-	-		1,287,905
Միջնորդավճարներ և բեռնափոխադրում	(401,536)	(191,613)	-	-

Հաշվետու ժամանակաշրջանի վերջում մարման ենթակա են հետևյալ մնացորդները՝

	Զմարված մնացորդներ (ակտիվներ/ (պարտավորություններ))	
	2021թ. դեկտեմբերի 31	2020թ. դեկտեմբերի 31
Քեշ փուլինգի գծով դեբիտորական պարտք		
- Փոքր բաժնետերեր	11,615	11,615
Քեշ փուլինգի գծով կրեդիտորական պարտք		
- Ընկերության հետ ընդհանուր վերահսկողության տակ գտնվող կազմակերպություններ	-	(37,000)
Ստացված փոխառություններ		
- Մայր ընկերություն	(214,469)	(2,913,984)
Տոկոսային ծախս		
- Մայր ընկերություն	135,406	68,198
Տրված երաշխիքներ – անվանական գումար		
- Ընկերության հետ ընդհանուր վերահսկողության տակ գտնվող կազմակերպություններ	-	(26,112,521)

Մարման ենթակա գումարները ապահովված չեն և մարվելու են կանխիկով:

Առանցքային ղեկավար անձնակազմի վարձատրություն

Ստորև ներկայացվում է առանցքային ղեկավար անձնակազմի կողմից տարվա ընթացքում ստացված վարձատրությունը՝

	2021թ.	2020թ.
Աշխատակիցների հատուցումների գծով ծախս	9,439	3,119
	9,439	3,119

16. Պայմանական պարտավորություններ

Իրավական և հարկային հարցեր

Հայաստանի Հանրապետության հարկային համակարգը կարգավորող օրենսդրական դաշտը բնութագրվում է հաճախակի փոփոխություններով, որոնք երբեմն հստակ չեն, հակասական են և պահանջում են մեկնաբանություններ: Շատ դեպքերում, այս կամ այն հարցում տարբեր հարկային և իրավասու մարմիններ տարբեր մեկնաբանություններ են ներկայացնում:

Հաճախ հարկային մարմինները պահանջում են լրացուցիչ հարկեր այնպիսի գործարքների և հաշվապահական մեթոդների համար, որոնց գծով պահանջներ չեն ներկայացվել: Արդյունքում

կարող են առաջանալ հավելյալ տույժեր և տուգանքներ: Հարկային ստուգումը կարող է ներառել ստուգմանն անմիջապես նախորդող 3 օրացուցային տարին: Որոշ հանգամանքներում հարկերի ստուգումը կարող է ընդգրկել ավելի վաղ ժամանակաշրջաններ: Ղեկավարությունը համոզված է, որ Կազմակերպությունն իր գործունեությունը ծավալում է օրենսդրությամբ նախատեսված պահանջների շրջանակներում և պատշաճ կերպով կատարել է իր հարկային պարտավորությունները:

Ղեկավարությունը նաև կարծում է, որ հիմնական պարտավորությունը, որը բխում է Ընկերության դեմ հարուցված դատական հայցերից և բողոքներից, նշանակալի բացասական ազդեցություն չի ունենա Ընկերության ֆինանսական վիճակի կամ հետագա գործունեության վրա:

Ռուսաստանի գործարար միջավայր

Զարգացող երկրների ֆինանսական շուկաները, ինչպիսին է Ռուսաստանի Դաշնությունը, ավելի շատ են ենթակա զանազան ռիսկերի, քան ավելի զարգացած երկրներին, ներառյալ տնտեսական, քաղաքական, սոցիալական, իրավական և օրենսդրական ռիսկերը:

Ռուսաստանում բիզնեսին վերաբերող օրենքներն ու կանոնակարգերը շարունակում են արագորեն փոխել հարկային և կարգավորիչ դաշտը և ենթակա են տարբեր մեկնաբանությունների: Ռուսաստանի ապագա տնտեսական ուղղության վրա մեծապես ազդում է կառավարության կողմից ընդունված ֆինանսական և դրամավարկային քաղաքականությունը՝ իրավական, կարգավորիչ և քաղաքական միջավայրերի զարգացումների հետ միասին:

Քաղաքական անկայունությունը և ռազմական գործողությունները տարածաշրջանում

2020թ. սեպտեմբերին Լեռնային Ղարաբաղի տևական հակամարտությունը սրվեց իրադարձարի ռեժիմի խախտմամբ, որը վերականգնվեց 2020թ. նոյեմբերի 10-ին կողմերի միջև ստորագրված հայտարարությամբ: Այդ ժամանակից ի վեր Հայաստանը քաղաքական և տնտեսական ցնցումներ է ապրում: Հայտարարության արդյունքների դեմ մի շարք բողոքներ հանգեցրել են արտահերթ խորհրդարանական ընտրությունների, որոնք տեղի են ունեցել 2021թ. հունիսին:

2022 թվականի փետրվարին Ուկրաինայի և Ռուսաստանի Դաշնության տնտեսական և քաղաքական իրավիճակները հանգեցրին Ռուսաստանի ֆինանսական շուկայում անկայունության աճին: Իրադարձությունների զարգացման անորոշությունը մեծանում է:

ԱՄՆ, ՄԲ, ԵՄ և այլ երկրների կողմից պատժամիջոցներ են սահմանվել Ռուսաստանի որոշ պետական գործիչների, գործարարների և ընկերությունների նկատմամբ: Այսպիսի իրադարձությունների արդյունքում կարող է սահմանափակվել ժուռնալական բիզնեսի մուտքը միջազգային կապիտալի և արտահանման շուկա, նվազեցնել կապիտալի շուկաները և հանգեցնել այլ բացասական տնտեսական հետևանքների: Այդ իրադարձությունները և դրանցից բխող տնտեսական և գործառնական հետևանքները կարող են զգալի բացասական ազդեցություն ունենալ Ռուսաստանի գործարար և գործառնական միջավայրի վրա: Այս իրադարձությունների հետևանքները դժվար է կանխատեսել՝ հաշվի առնելով քաղաքական անկայունության հետ կապված անորոշության աստիճանը:

Ղեկավարությունը հետևում է տնտեսական և քաղաքական իրավիճակի ներկա փոփոխություններին և ձեռնարկում միջոցներ, որոնք անհրաժեշտ են, առաջիկայում, Ընկերության գործունեության կայունությունն ու զարգացումը պահպանելու համար:

17. Հաշվետու ժամանակաշրջանից հետո տեղի ունեցող դեպքեր

Ի լրումն Ռուսաստանում և տարածաշրջանում քաղաքական և տնտեսական զարգացումների, ղեկավարությունը հետևում է տնտեսական և քաղաքական իրավիճակի ընթացիկ փոփոխություններին, ձեռնարկում միջոցներ, որոնք անհրաժեշտ են Ընկերության գործունեության կայունությունն ու զարգացումը պահպանելու համար: Թեև այս զարգացումների արդյունքը դժվար է կանխատեսել, ղեկավարությունը համոզված է, որ Ընկերության գործառնությունները նշանակալի բացասական ազդեցություն չեն ունենա:

Կ. Կարապետյան

Տնօրեն



Վ. Սահակյան

Գլխավոր հաշվապահ